

十一卷

越王勾踐

十二卷

鄭

十三卷


趙

史記

卷四十一之三

世家十一之三

共三十四



正義曰勾踐越王名之今  
越王之名元王命為伯之

越王勾踐世家第十一

越王勾踐其先禹之苗裔

正義曰吳越春秋卷之五

正義曰吳越春秋卷之五

四方群臣封有功爵有德崩而葬焉至少康患禹迹宗廟祭祀之絕乃封其庶子於越號曰無餘策循會稽記云少康其少子曰於越越國之稱始此越絕記云無餘都會稽山南故越城是也

而夏后帝少康之庶子也封於會稽以奉守禹之祀文身斷髮披草

萊而邑焉後二十餘世至於允常

正義曰輿地志云越侯傳國三十餘葉歷

殺至周敬王時有越侯夫譚子曰允常拓土始大允常稱王春秋貶為子號為於越杜注云於語發聲也

之時與吳王闔廬戰而相怨伐允常卒子勾踐立是為

越王元年吳王闔廬聞允常死乃興師伐越越王勾踐

使死士挑戰三行至吳陳呼而自剄吳師觀之越因襲

擊吳師吳師敗於攜李

杜預曰吳郡嘉興縣南有攜李城○索隱曰事在左傳魯定公

十四年射傷吳王闔廬闔廬且死告其子夫差曰必毋忘  
越三年勾踐聞吳王夫差日夜勒兵且以報越越欲先  
吳未發往伐之范蠡諫曰不可臣聞兵者凶器也戰者  
逆德也爭者事之末也陰謀逆德好用凶器試身於所  
末上帝禁之行者不利越王曰吾已決之矣遂興師吳  
王聞之悉發精兵擊越敗之夫椒杜預曰夫椒在吳郡  
吳縣太湖中椒山是  
也○索隱曰夫音符椒音焦本又作湫音酒小反賈逵  
云地名國語云敗之五湖則杜預云在椒山為非事具  
哀公  
元年越王乃以餘兵五千人保棲於會稽杜預曰上會  
稽山也○索  
隱曰鄒誕云保山曰棲猶鳥棲於木以避  
害也故六韜曰軍處山之高者則曰棲  
之越王謂范蠡曰正義曰會稽與錄云范蠡字少伯越  
之上將軍也本是楚宛三戶人佯狂  
佯儻真俗文種為宛令遣吏謂奉吏還曰范蠡本國狂  
人生有此病種笑曰吾聞士有賢俊之姿必有佯狂之

越世家

義曰言執持滿足之德維  
天能之極歟云天道盈而  
不溢感而不驕  
定傾危之計難矣能之  
云代實定傾危者  
事乎此文反之

讓內懷獨見之明外有不知之毀此固非二三子之所  
知也駕車而往蠡避之後知種之必來謂謂兄嫂曰今  
日有客願假衣冠有頃種至抵  
掌而談旁人觀者聳聽之矣以不聽子故至於此為  
之奈何蠡對曰持滿者與天韋昭曰與天法天也天道  
盈而不溢○索隱曰與天  
天與也言持滿不溢  
與天同道故天與之定傾者與人虞翻曰人道尚謙卑  
以自牧○索隱曰人  
主有定傾之節事者以地韋昭曰時不至不可彊生事  
不究不可彊成索隱曰國語  
功故人與之節事者以地韋昭曰時不至不可彊生事  
不究不可彊成索隱曰國語  
以休與此以亦與義也言地能財成萬物人  
主宜節用以法地故地與之韋昭曰市利也謂委管節屬  
以遺之不許而身與之市常昭曰市利也謂委管節屬  
作言辭厚遺珍寶不許平越王身往事  
之如市賈貨易以利此是定傾危之計  
大夫種行成於吳索隱曰大夫官種名也一云大夫姓  
猶司馬司空之比非也成者平也求  
和於吳也○正義曰吳越春秋云大夫種姓文名種字  
子禽荆平王時為宛令之三戶之里范蠡從人竇躄而  
吠之從吏恐文種勸令人引衣而郭之文種曰無郭也  
吾聞犬之所吠者人今吾到此有聖人之氣行而求之

來至於此且人身而犬吠者謂我是人也乃下車拜蠶不為禮  
勾踐使陪臣種敢告下執事勾踐請為臣妻為妾吳王將許之子胥言於吳王曰天以越賜吳勿許也種還以報勾踐勾踐欲殺妻子燔寶器觸戰以死種止勾踐曰夫吳太宰嚭貪可誘以利請問行言之索隱曰間音紀開反間行猶微行於是勾踐乃以美女寶器令種間獻吳太宰嚭索隱曰嚭國語云越飾美女二人嚭受乃見大夫種於吳王種頓首言曰願大王赦勾踐之罪盡入其寶器不幸不赦勾踐將盡殺其妻子燔其寶器悉五千人觸戰必有當也索隱曰言悉五千人觸戰或有能當吳兵者故國語作觸戰亦相當對之名又下云無乃傷君王之所愛乎是有當也則傷嚭因說吳王曰越以服為臣若將赦之此國之利

越世家

圍

也吳王將許之子胥進諫曰今不滅越後必悔之勾踐賢君種蠶良臣若反國將為亂吳王弗聽卒赦越罷兵而歸勾踐之困會稽也喟然嘆曰吾終於此乎種曰湯繫夏臺文王囚羑里晉重耳奔翟齊小白奔莒其卒王霸由是觀之何遽不為福乎吳既赦越越王勾踐反國乃苦身焦思置膽於坐坐卧即仰膽飲食亦嘗膽也曰女忘會稽之恥邪身自耕作夫人自織食不加肉衣不重采折節下賢人厚遇賓客振貧弔死徐廣曰弔一作葬與百姓同其勞欲使范蠡治國政蠡對曰兵甲之事種不如蠡鎮撫國家親附百姓蠡不如種於是舉國政屬大夫種而使范蠡與大夫柘稽行成為質於吳索隱曰越大夫也國語作

諸稽二歲而吳歸蠡勾踐自會稽歸七年拊循其士民  
欲用以報吳大夫逢同諫曰索隱曰逢姓同名國新流  
亡今乃復殺給繕飾備利吳必懼懼則難必至且鷲鳥  
之擊也必匿其形今夫吳兵加齊晉怨深於楚越名高  
天下實害周室德少而功多必淫自矜為越計莫若結  
齊親楚附晉以厚吳吳之志廣必輕戰是我連其權三  
國伐之越承其弊可克也勾踐曰善居二年吳王將伐  
齊子胥諫曰未可臣聞勾踐食不重味與百姓同苦樂  
此人不死必為國患具有越腹心之疾齊與吳疥癢也  
索隱曰齊疥音介甚願王釋齊先越吳王弗聽遂伐齊敗之艾陵  
索隱曰在魯哀十一年虜齊高國以歸索隱曰國惠子高昭子讓子胥子胥

越世家

越紀云請羅於吳天若嘉之  
吳必許諾之

曰王母喜王怒子胥欲自殺王聞而止之越大夫種曰  
臣觀吳王政驕矣請試嘗之貨粟以卜其事請貸吳王  
欲與子胥諫勿與王遂與之越乃私喜子胥言曰王不  
聽諫後二年吳其墟乎太宰嚭聞之乃數與子胥爭越  
議因讒子胥曰伍員貌忠而實忍人其父兄不顧安能  
顧王王前欲伐齊員彊諫已而有功用是反怨王王不  
備伍員必為亂與逢同共謀讒之王王始不從乃使  
子胥於齊聞其託子於鮑氏王乃大怒曰伍員果欺寡  
人欲反使人賜子胥屬鏃劍以自殺子胥大笑曰我令  
而父霸索隱曰而汝父闔廬也我又立若索隱曰若亦汝也若初欲分吳  
國半予我我不受已今若反以讒誅我嗟乎嗟乎一人

固不能獨立報使者曰必取吾眼置吳東門以觀越兵

入也索隱曰國語云吳王愠曰孤不使大夫得見乃盛以鴟夷投之于江也於是吳任嚭

政居三年勾踐召范蠡曰吳已殺子胥導諛者衆可乎

對曰未可至明年春吳王北會諸侯於黃池索隱曰在哀十三年

吳國精兵從王惟獨老弱與太子留守索隱曰按春秋左氏傳太子名

文勾踐復問范蠡蠡曰可矣乃發習流二千索隱曰虞書云流宥

也五刑按流放之罪人使之習戰任為卒伍有二千人也教

士四萬人索隱曰謂所教練之兵也故孔子六千人

幸昭曰君子王所親近有志行者猶吳所謂賢良齊所謂士也虞翻曰言君養之如子○索隱曰君子謂君所

子養有恩惠者又按左氏楚沈尹成帥都君子以濟師杜預曰都君子諸都邑之士有復除者國語云王以私卒君子六

千人也索隱曰諸御謂諸理事吳師

越世家

敗遂殺吳太子吳告急於王王方會諸侯于黃池懼天

下聞之乃秘之吳王已盟黃池乃使人厚禮以請成越

越自度亦未能滅吳乃與吳平其後四年越復伐吳吳

士民罷敝輕銳盡死於齊晉而越大破吳因而留圍之

三年吳師敗越遂復棲吳王於姑蘇之山吳王使公孫

雄虞翻曰吳大夫肉袒膝行而前請成越王曰孤臣夫差敢布

腹心異日嘗得罪於會稽夫差不敢逆命得與君王成

以歸今君主舉玉趾而誅孤臣孤臣惟命是聽意者亦

欲如會稽之赦孤臣之罪乎勾踐不忍欲許之范蠡曰

會稽之事天以越賜吳吳不取今天以吳賜越越其可

逆天乎且夫君王蚤朝晏罷非為吳邪謀之二十二年

一旦而奔之可乎且夫天與弗取反受其咎伐柯者其  
則不遠君忘會稽之厄乎勾踐曰吾欲聽子言吾不忍  
其使者范蠡乃鼓進兵曰王已屬政於執事虞翻曰執事蠡自謂也  
也使者去不者且得罪虞翻曰我為子得罪○索隱曰  
文謂使者宜速去不去且得罪於越義亦通吳使者泣而去勾踐憐之乃使  
人謂吳王曰吾置王甬東君百家杜預曰甬東會稽勾章縣東海中州也○  
索隱曰吳語云與吳王謝曰吾老矣不能事君王遂自  
之夫婦三百是也殺乃蔽其面正義曰今之面衣是其遺象也越絕云吳  
有知吾勳見伍子胥公孫聖以為無知吾取生者越王  
則解綬以慎其目遂伏劍而死慎音覓顧野王云大巾  
覆也曰吾無面以見子胥也越王乃葬吳王而誅太宰嚭  
勾踐已平吳乃以兵北渡淮與齊晉諸侯會於徐州致

越世家

貢於周周元王使人賜勾踐耶命為伯勾踐已去渡淮  
南以淮上地與楚楚世家曰越滅吳而不能正歸吳所  
侵宋地於宋與魯泗東方百里當是時越兵橫行於江  
淮東諸侯畢賀號稱霸王索隱曰越在蠻夷少東之後  
國國史既微畧無世系故紀年稱為於粵子據此文范  
勾踐平吳之後周元王始命為伯後遂僭而稱王也范  
蠡遂去自齊遺大夫種書曰蜚鳥盡良弓藏狡兔死走  
狗烹徐廣曰狡一作郊越王為人長頸鳥喙可與共患難不可  
與共樂子何不去種見書稱病不朝人或讒種且作亂  
越王乃賜種劍曰子教寡人伐吳七術正義曰越絕云  
事鬼二曰重財幣以遺其君三曰遺敵粟橐以空其邦  
四曰遺之好美以榮其志五曰遺之巧匠使起宮室高  
臺以盡其財以疲其力六曰貴其諛臣使之易伐七曰  
強其諫臣使之自殺八曰邦家富而備器利九曰堅甲



故曰九者勿患戒口勿傳以取天下不難况於吳乎

利兵以寡人用其三而敗吳其四在子子為我從先王

試之種遂自殺勾踐卒索隱曰紀年云晉出公十年十一月於粵子勾踐卒是為莒執

子王鼫與立索隱曰鼫音石與音餘按紀年云於粵子

年見殺是為首子王翁立王翁卒索隱曰紀年於粵子

二十五年滅郊子王翳立王翳卒子王之侯立索隱曰紀

其君翳十月粵殺諸魯粵滑吳人立乎錯技為君明年

大夫寺區定粵亂立初無余之十二年寺區弟思其

越人三弑其君子搜患之逃乎丹亢不肯出越人薰之

以艾乘以王與樂資云號曰無顛蓋無顛後乃久無疆

王無疆時越興師北伐齊西伐楚與中國爭疆當楚威

越世家

平義曰晉即韓魏之時三晉滅其邑三十餘年矣

王之時越北伐齊齊威王使人說越王曰越不伐楚大

不王小不伯圖越之所為不伐楚者為不得晉也韓魏

固不攻楚韓之攻楚覆其軍殺其將則葉陽翟危正義曰葉

式涉反今許州華縣陽翟河陽翟縣也二邑此時魏亦

覆其軍殺其將則陳上蔡不安正義曰陳今陳州也上

韓魏與楚隣今二國為楚所危也故二晉之事越也正義

所重徐廣曰効於得晉者何也正義曰從不至已下此

越王曰所求於晉者不至頓刃接兵而况于攻城圍邑

乎正義曰頓刃築營壘也接兵戰也越王言韓魏之事

平義曰晉即韓魏之時三晉滅其邑三十餘年矣

地以聚常鄰之境

索隱曰南陽在齊之西界莒之西也常邑名蓋田文所封之邑鄰故鄰國

二邑皆齊之南地

則方城之外不南

正義曰方城山在許州葉縣西南十八里外謂許州

豫州等言魏兵在大梁之下

淮泗之間不東商於析郟

宋胡之地

徐廣曰胡國今之汝陰○索隱曰四邑並屬南陽楚之西南是也宋胡作宗胡宗胡邑名

胡姓之宗因以名邑在漢云汝陰縣北有故胡城是也○正義曰鄧音難括地志云商洛縣則古商國城也刑

州圖副云鄧州內鄉縣東七里於封即於中地也括地志又云鄧州內鄉縣楚邑也故鄧縣在鄧州新城縣西

北三十里按商於析郟夏路以左徐廣曰蓋謂江夏之在商鄧二州界縣邑也

為江夏非也劉氏云楚道諸夏路出方城人向北行以西為左故云夏路以左其意為得也○正義曰括地志

云故長城在鄧州內鄉縣東七十五里南入穰縣北連翼望山無土之處累石為楚固襄王控霸南土爭強中

國多築列城於北方以備華夏號為方城按此說劉氏為得云邑徙衆少不足備秦曉武二關之道也

越世家

足以備秦江南泗上不足以待越矣

正義曰江南洪繞等州春秋時為楚

東境也泗上徐州春秋時楚北境也二境並與越隣言不足當伐越

楚也是二晉不戰而分地不耕而獲之不此之為而頓

刃於河山之間以為齊秦用所待者如此其失計奈何

其以此王也齊使者曰幸也越之不亡也吾不貴其用

智之如目見豪毛而不見其睫也今王知晉之失計而

不自知越之過是目論也索隱曰言越王知晉之失不自覺越之過猶人眼能見豪

毛而目不見其捷故謂之目論也王所待於晉者非其汗馬之力也又

非可與合軍連和也將待之以分楚眾也今楚眾已分

何待於晉越王曰奈何曰楚三大夫張九軍北圍曲沃

徐廣曰一作北面曲沃○正義曰括地志云曲沃故城在陝縣西三十二里於中在鄧州內鄉縣東七里爾時

曲沃屬魏於中屬秦於中以至無徐廣曰無假之關者

三千七百里

正義曰按無假之關當在江南長沙之西也言從曲沃於中西至漢中邑巫黔中

千餘里不備秦魯也

景翠之軍北聚魯齊南陽

正義曰魯兗州也齊密州莒縣邑南

至泗上也南陽鄧州也時屬韓也言楚又備此三國也分散有大此者乎

分有大此者乎且

王之所求者鬪晉楚也晉楚不鬪越兵不起是知二五

而不知十也此時不攻楚臣以是知越大不王小不伯

復讎龐長沙楚之粟也

徐廣曰龐一作龐○正義曰復讎龐長沙楚之粟也

復讎敵楚之四邑龐長沙竟陵澤也龐長沙出粟之地

竟陵澤出材木之地此邑近長沙澤衡之境越若窺兵

西通無假之關則西邑不得北上貢於楚之鄧都矣戰

國時永柳衡澤岳鄂江洪饒並是東南境屬楚也袁吉

夏撫欽宣並越竟澤陵楚之材也索隱曰劉氏曰復者

西境屬越也發語之聲非也言發

語聲者文勢然也則是脫况字耳離當作犍犍邑名字

訛耳則犍龐長沙是三邑也竟澤陵當為竟陵澤言竟

之山澤出材木故楚有七澤越窺兵通無假之關

蓋其一也合上文為四邑也

越世家

西一作此四邑者不上貢事於郢矣臣聞之圖王不王其

敵可以伯然而不伯者王道失也故願大王之轉攻楚

也於是越遂釋齊而伐楚楚威王興兵而伐之大敗越

殺王無疆盡取故吳地至浙江北破齊於徐州徐廣曰

之四十六年○索隱曰按紀年粵子無疆薨後十年楚

伐徐州無楚伐越殺無疆之語是無疆為無疆之後紀

年不得錄也而越以此散諸族子爭立或為王或為君濱於

江南海上

正義曰今台州臨海縣是也

服朝於楚後七世至閩君搖

佐諸侯平秦漢高帝復以搖為越王以奉越後東越閩

君皆其後也范蠡

太史公曰王妙論曰蠡本南陽人列仙傳云蠡徐人○正義曰吳越春秋

云蠡字少伯乃楚宛三戶人也越絕云在越為范蠡在

齊為鳴夷子皮在陶為朱公又云居楚曰范伯謂大夫

范蠡王妙論天司

國語曰踐滅吳返至其國范蠡歸於王曰君勉之臣不復入越國矣遂乘輕舟以浮於五湖莫知其所往惟王命書其姓名於會稽山以報禮之大夫曰范蠡之狀而報禮之大夫曰朝之環會稽山三百里以爲蠡之邑

越世家

戶伍子胥以是按弓矢于吳王於是是要大夫種入吳此時馮同相與戒之伍子胥在自餘不能聞其詞蠡曰吳越之邦同風共俗地戶之位非吳則越彼事越王勾踐爲彼我爲我及越王常與言盡日方去事越王勾踐既苦身戮力與勾踐深謀二十餘年竟滅吳報會稽之恥北渡兵於淮以臨齊晉號令中國以尊周室勾踐以霸而范蠡稱上將軍還反國范蠡以爲大名之下難以久居且勾踐爲人可與同患難與處安爲書辭勾踐曰臣聞主憂臣勞主辱臣死昔者君王辱於會稽所以不死爲此事也今既以雪恥臣請從會稽之誅勾踐曰孤將與子分國而有之不然將加誅于子范蠡曰君行令臣行意乃裝其輕寶珠玉自與其私徒屬乘舟浮海以行終不反於是勾踐表會稽山以爲范蠡奉邑

索隱曰國語云

吳王曰夫謀子者盛德天子皮弄之江中范蠡既去越之王子春攻自步之錫費用馬車焉故若極也

吳王曰夫謀子者盛德天子皮弄之江中范蠡既去越之王子春攻自步之錫費用馬車焉故若極也

乃環會稽三百里以爲范蠡浮海出齊變姓名自謂鴟夷子皮索隱曰鴟夷今蠡自以有罪故爲號也幸昭云鴟夷華婁也或曰耕于海畔苦身戮力父子治產居無幾何致產數千萬齊人聞其賢以爲相范蠡喟然嘆曰居家則致千金居官則至卿相此布衣之極也又受尊名不祥乃歸相印盡散其財以分與知友鄉黨而懷其重寶間行以去止于陶徐廣曰今之濟陰定陶○正義曰括地志云陶山在濟州平陰縣東三十五里以爲此天下之中交易有無之路通爲生可以致富矣於是自謂陶朱公復約要父子耕畜廢居候時轉物逐什一之利居無何則致貴累巨萬徐廣曰天下稱陶朱公朱公居陶生少子少子及壯而

朱公中男殺人囚於楚朱公曰殺人而死職也然吾聞  
千金之子不死於市告其少子往視之乃裝黃金千溢  
置褐器中載以一牛車且遣其少子朱公長男固請欲  
行朱公不聽長男曰家有長子曰家督今弟有罪大人  
不遣乃遣少弟是吾不肖欲自殺其母為言曰今遣少  
子未必能生中子也而先空亡長男奈何朱公不得已  
而遣長子為一封書遺故所善莊生索隱曰據其時代  
非莊周也然驗其  
行事非子休而誰能信任於楚王乎○正義曰年表云  
周元王四年越滅吳范蠡遂去齊歸定陶後遺莊生金  
莊周與魏惠王周元王同時從周元王四年  
至齊宣王元年一百三十年此莊生非莊子曰至則進  
千金于莊生所聽其所為慎無與爭事長男既行亦自  
私齎數百金至楚莊生家負郭披藜藿到門居甚貧然

越世家

長男發書進千金如其父言莊生曰可疾去矣慎毋留  
即弟出勿問所以然長男既去不過莊生而私留以其  
私齎獻遺楚國貴人用事者莊生雖居窮閭然以廉直  
聞於國自楚王以下皆師尊之及朱公進金非有意受  
也欲以成事後復歸之以為信耳故金至謂其婦曰此  
朱公之金有如病不宿誠後復歸勿動而朱公長男不  
知其意以為殊無短長也莊生間時入見楚王言其星  
宿其此則害於楚楚王素信莊生曰今為奈何莊生曰  
獨以德為可以除之楚王曰生休矣寡人將行之王乃  
使使者封三錢之府國語曰周景王時將鑄大錢賈逵  
說云虞夏商周金幣三等或赤或  
白或黃黃為上幣銅錢為下幣常昭曰錢者金幣之名  
所以貨買物通財用也單穆公云古者有母平子子權

子而行然則三品之來古而然矣楚貴人驚告朱公長  
駟謂楚之二錢賈常之說近之  
男曰王且赦曰何以也曰每王且赦常封三錢之府昨  
暮王使使封之或曰王且赦常封三錢之府者錢幣至重慮人或逆知有赦盜竊之所以封錢  
府備盜竊也漢靈帝時河內張成能候風角知將有赦教子殺人捕得七日赦出此其類也朱公長  
男以為赦弟固當出也重千金虛弃莊生無所為也乃  
復見莊生莊生驚曰若不去邪長男曰固未也初為事  
弟弟今議自赦故辭生去莊生知其意欲復得其金曰  
若自入室取金長男即自入室取金持去獨自歡幸莊  
生羞為兒子所賣乃入見楚王曰臣前言某星事王言  
欲以脩德報之今臣出道路皆言陶之富人朱公之子  
殺人囚楚其家多持金錢賂王左右故王非能恤楚國

越世家

何也

而赦乃以朱公子故也楚王大怒曰寡人雖不德耳奈  
何以朱公之子故而施惠乎令論殺朱公子明日遂下  
赦令朱公長男竟持其弟喪歸至其母及邑人盡哀之  
唯朱公獨笑曰吾固知必殺其弟也彼非不愛其弟顧  
有所不能忍者也是少與我俱見苦為生難故重弃財  
至如少弟者生而見我富乘堅驅良逐狡兔徐廣曰狡一作郊  
豈知財所從來故輕弃之非所惜吝前日吾所為欲遣  
少子固為其能弃財故也而長者不能故卒以殺其弟  
事之理也無足悲者吾日夜固以望其喪之來也故范  
蠡三徙成名於天下非苟去而已所止必成名卒老死  
于陶故世傳曰陶朱公張華曰陶朱公冢在南郡華容縣西樹碑云是越之范蠡也

獨

無

知

正義曰盛弘之荊州記云荊州華容縣西有陶朱公冢  
尚碑云是越范蠡范蠡本宛三戶人與文種俱入越吳  
亡後自適齊而終陶朱公登仙未聞葬此所由括地志  
云陶朱公冢也又云濟州平陰縣東二十里陶山南五  
里有陶公冢并止於陶山之  
陽按葬處有二未詳其處

太史公曰禹之功大矣漸九川徐廣曰漸者亦引進通  
定九州至于今諸夏艾安及苗裔勾踐苦身焦思終滅  
彊具北觀兵中國以尊周室號稱霸王徐廣曰一作王勾踐可  
不謂賢哉蓋有禹之遺烈焉范蠡三遷皆有榮名名垂  
後世臣主若此欲毋顯得乎

索隱述贊曰

越祖少康

至于允常

其子始霸

與吳爭疆

攜李之役

闔閭見傷

越世家

會稽之恥

勾踐欲當

種誘以利

蠡悉其良

折節下士

致膽思嘗

卒復讎寇

遂殄吳疆

後不量力

滅於無疆

越王勾踐世家第十一

史記四十一

越世家

國學紀聞十一宣王庶弟云請正義曰世家年表自非異

正義曰七詩譜云鄭國志

宗周畿內之故宣王封其

弟於砥林之便是為鄭

桓公

鄭世家第十二

史記四十二

鄭桓公友者周厲王少子而宣王庶弟也徐廣曰年宣表云母弟

王立二十二年友初封于鄭索隱曰鄭縣名屬京兆秦武公十一年初縣杜鄭是

也又系本云桓公居砥林徙拾宋忠云砥林與拾皆舊地名是封桓公乃名為鄭耳至秦之縣鄭是鄭武公東

徙新鄭之後其舊鄭乃是故都故秦始改為縣也出地理志封三十三歲百姓皆便

愛之幽王以為司徒韋昭曰幽王八年為司徒○索隱曰韋昭據國語以為說耳和

集周民周民皆說河雒之間人便思之為司徒一歲幽

王以褒后故王室治多邪諸侯或畔之於是桓公問太

史伯周大史曰曰王室多故予安逃死乎太史伯對曰獨

雒之東土河濟之南可居公曰何以對曰地近虢鄭徐廣

曰虢在成臯鄭在密縣駟案虞翻曰虢姓東虢也魯姓○正義曰括地志云洛州汜水縣古東虢叔之國





州南陽縣北三十里左薄云鄭武公取於申也為夫人曰武姜生太子寤生生

之難及生夫人弗愛後生少子叔段段生易夫人愛之

徐廣曰年表云十四年生寤生十七年生大叔段二十七年武公疾夫人請公

欲立段為太子公弗聽是歲武公卒寤生立是為莊公

莊公元年封弟段於京賈逵曰京鄭都邑杜預曰今滎陽京縣號太叔祭

仲曰京大於國非所以封庶也莊公曰武姜欲之我弗

敢奪也段至京繕治甲兵與其母武姜謀襲鄭二十二

年段果襲鄭武姜為內應莊公發兵伐段段走伐京京

人畔段段出走鄆正義曰鄆音烏占反今新鄭縣南鄆頭有村多萬家舊作鄆音偃杜預云

鄆今鄆鄆潰段出奔共賈逵曰共國名也杜預曰今汲陵也於是莊公遷其母武姜於城潁賈逵曰鄭地也

共城縣是也

鄭世家

州臨潁縣是也誓言曰不至黃泉服虔曰天文地黃泉在地中故言黃泉毋相見

也居歲餘已悔思母潁谷之考叔賈逵曰潁谷鄭地也

水源出洛州嵩高縣東南三十里陽乾山今俗名潁山泉源出山之東谷其側有古人居處俗名為潁墟故老云是潁考之故居即鄆有獻於公公賜食考叔曰臣有

母請君食賜臣母莊公曰我甚思母惡其盟奈何考叔

曰穿地至黃泉則相見矣於是遂從之見母二十四年

宋繆公卒公子馮奔鄭鄭侵周地取禾索隱曰左傳隱三年鄭武公莊

公為平王卿士王貳于號及王崩周人將弔號公政二夏四月鄭祭足帥師取溫之麥秋又取成周之禾

二十五年衛州吁弑其君桓公自立與宋伐鄭以馮故也

二十七年始朝周桓王桓王怒其取禾弗禮也索隱曰杜預曰

桓公即位周鄭交惡至是始朝故言始也左傳又曰周桓公言於王曰我周之東遷晉鄭焉依善鄭以勸來者

猶懼不蕪况不  
禮焉鄭不來矣  
二十九年莊公怒周弗禮與魯易祊許  
田索隱曰許田近許之地魯朝宿之邑祊者鄭所受助祭太山之湯沐邑鄭以天子不能巡守故以祊易許田各從  
三十三年宋殺孔父三十七年莊公不朝周周  
桓王率陳蔡虢衛伐鄭莊公與祭仲高渠彌發兵自救  
索隱曰左傳稱祭仲足蓋祭是邑其人名仲字仲足故傳云祭封人中足是也此繡葛之戰在魯桓五年彌一作昧並  
王師大敗祝瞻射中王臂索隱曰左傳作祝瞻請從音迷  
之鄭伯止之曰犯長且難之况敢陵天子乎乃止夜令祭仲問王疾三十八年北戎伐齊齊使求救鄭遣太子忽將兵救齊齊釐公欲妻之忽謝曰我小國非齊敵也時祭仲與俱勸使取之曰君多內寵服虔曰言庶太子有寵者多太子無大援將不立三公子皆君也所謂三公子者太子忽

鄭世家

其弟突次弟子壘也索隱曰此文則數太子忽及突子壘蓋得之儀  
四十三年鄭莊公卒初祭仲甚有寵於莊公莊公使為卿公使娶鄧女生太子忽故祭仲立之是為昭公莊公又娶宋雍氏女賈逵曰雍氏黃帝之孫後為宋大夫生厲公突雍氏有寵於宋服虔曰為宋正卿故曰有寵宋莊公聞祭仲之立忽乃使人誘召祭仲而執之曰不立突將死亦執突以求賂焉祭仲許宋與宋盟以突歸立之昭公忽聞祭仲以宋要立其弟突九月辛亥忽出奔衛己亥突至鄭立是為厲公厲公四年祭仲專國政厲公患之陰使其壻雍糾欲殺祭仲賈逵曰雍糾大夫糾妻祭仲女也知之謂其母曰父與夫孰親母曰父一而已人盡夫也杜預曰婦人在

室則天父出則天夫文以為  
疑故母以所生為本解之 女乃告祭仲祭仲反殺雍  
糾戮之於市厲公無奈祭仲何怒糾曰謀及婦人死固  
宜哉夏厲公出居邊邑櫟宋衷曰今頓川陽翟縣○索隱曰按櫟音歷即鄭初得十  
邑之祭仲迎昭公忽六月乙亥復入鄭即位秋鄭厲公  
歷也突因櫟人殺其大夫單伯杜預曰鄭守櫟大夫也○索隱曰依左傳作擅伯事在桓  
十五年此文誤為單伯者蓋亦有所因也按魯莊公十  
四年厲公自櫟侵鄭事與單伯會齊師伐宋相連故知  
耳遂居之諸侯聞厲公出奔伐鄭弗克而去宋頗予厲  
公兵自守於櫟鄭以故亦不伐櫟昭公二年自昭公為  
太子時父莊公欲以高渠彌為卿太子忽惡之莊公弗  
聽卒用渠彌為卿及昭公即位懼其殺己冬十月辛卯  
渠彌與昭公出獵射殺昭公於野祭仲與渠彌不敢入

鄭世家

厲公乃更立昭公弟子亶為君是為子亶也無諡號子  
亶元年七月齊襄公會諸侯於首止服虔曰首止近鄭  
衛地陳留襄邑鄭子亶往會高渠彌相從祭仲稱疾不  
縣東南有首鄉行所以然者子亶自齊襄公為公子之時嘗會鬪相仇  
及會諸侯祭仲請子亶無行子亶曰齊疆而厲公居櫟  
即不往是率諸侯伐我內厲公我不如往往何遽必辱  
且又何至是卒行於是祭仲恐齊并殺之故稱疾子亶  
至不謝齊侯齊侯怒遂伏甲而殺子亶高渠彌亡歸索隱  
曰左氏云歸與祭仲謀召子亶弟公子嬰於陳而立之  
輟高渠彌是為鄭子索隱曰左氏以鄭子名子是歲齊襄公使彭  
生醉拉殺魯桓公鄭子八年齊人管至父等作亂弑其

君襄公十二年宋人長萬弑其君泯公鄭祭仲死十四  
年故鄭亡厲公突在櫟者使人誘劫鄭大夫甫瑕要以  
求入索隱曰左傳作傳瑕此本多假借亦依字讀瑕曰舍我我為君殺鄭子  
而入君厲公與盟乃舍之六月甲子瑕殺鄭子及其二  
子而迎厲公突突自櫟復入即位初內蛇與外蛇鬪於  
鄭南門中內蛇死居六年厲公果復入入而讓其伯父  
原索隱曰左傳謂之原繁曰我亡國外居伯父無意入我亦甚矣  
原曰事君無二心人臣之職也原知罪矣遂自殺厲公  
於是謂甫瑕曰子之事君有二心矣遂誅之瑕曰重德  
不報誠然哉厲公突後元年齊桓公始霸五年燕衛與  
周惠王弟頹伐王索隱曰惠王莊王孫僖王子子頹莊王之妾王姚所生事在莊十九年

鄭世家

王出奔溫立弟頹為王六年惠王告急鄭厲公發兵擊  
周王子頹弟勝於是與周惠王歸王居于櫟七年春鄭  
厲公與虢叔襲殺王子頹而入惠王子周秋厲公卒子  
文公躒立索隱曰躒音在接反系本云文公徙鄭宋忠云即新鄭也厲公初立四歲  
亡居櫟居櫟十七歲復入立七歲與亡凡二十八年文  
公十七年齊桓公以兵破蔡遂伐楚至召陵二十四年  
文公之賤妾曰燕姑賈逵曰姑南燕姓夢天與之蘭賈逵曰曰香名也曰  
余為伯儵余爾祖也賈逵曰伯儵南燕祖以是為而子王肅曰以是蘭也為  
符遂生子名曰蘭三十六年晉公子重耳過文公弗禮  
文公弟叔詹曰重耳賢且又同姓窮而過君不可無禮

文公曰諸侯亡公子過者多矣安能盡禮之詹曰君如弗禮遂殺之弗殺使即反國為鄭憂矣文公弗聽三十年春晉公子重耳反國立是為文公秋鄭入滑滑聽命已而反與衛於是鄭伐滑索隱曰左傳傳二十四年鄭公子士泄堵俞彌帥師伐周襄王使伯備請滑索隱曰備音服左氏王使伯服周大夫知伯備即伯服也鄭文公怨惠王之亡在櫟而文公父厲公入之而惠王不賜厲公爵祿索隱曰此言爵祿與左氏說異左傳云鄭伯享王王以右之罍鑑與之鏡公請器王予之爵則爵酒器非爵祿也故曰與左氏說異又怨襄王之與衛滑故不聽襄王請而囚伯備王怒與翟人伐鄭弗克冬翟攻伐襄王襄王出奔鄭鄭文公居王于汜三十八年晉文公入襄王成周四十一年助楚擊晉自晉文公

鄭世家

之過無禮故昔晉助楚四十三年晉文公與秦穆公共圍鄭討其助楚攻晉者及文公過時之無禮也初鄭文公有三夫人寵子五人皆以罪蚤死公怒漑徐廣曰一索隱曰音既左傳作報逐群公子子蘭奔晉從晉文公圍鄭時蘭事晉文公甚謹愛幸之乃私於晉以求入鄭為太子晉於是欲得叔詹為僂鄭文公恐不敢謂叔詹言詹聞言於鄭君曰臣謂君君不聽臣晉卒為患然晉所以圍鄭以詹詹死而赦鄭國詹之願也乃自殺鄭人以詹尸與晉晉文公曰必欲一見鄭君辱之而去鄭人患之乃使人私於秦曰破鄭益晉非秦之利也秦兵罷晉文公欲入蘭為太子以告鄭鄭大夫石癸曰吾聞姑姓乃后稷之

元妃姓預曰結姓之其後當有興者子蘭母其後也且  
夫人子盡已死餘庶子無如蘭賢今圍急晉以為請利  
孰大焉遂許晉與盟卒而立子蘭為太子晉兵乃罷去  
四十五年文公卒子蘭立是為繆公繆公元年春秦繆  
公使三將將兵欲襲鄭至滑逢鄭賈人弦高詐以十二  
牛勞軍故秦兵不至而還晉敗之於崤初往年鄭文公  
之卒也鄭司城繒賀以鄭情賣之秦兵故來三年鄭發  
兵從晉伐秦敗秦兵於汜往年徐廣曰繆公之二年楚太子商臣  
弒其父成王代立二十一年與宋華元伐鄭華元殺羊  
食士不與其御羊斟怒以馳鄭鄭囚華元宋贖華元元  
亦亡去晉使趙穿以兵伐鄭二十二年鄭繆公卒子夷

鄭世家

其御

都

立是為靈公靈公元年春楚獻鼃於靈公子家子公將  
朝靈公賈逵曰一子公之食指動服虔曰謂子家曰佗  
日指動必食異物及入見靈公進鼃羹子公笑曰果然  
靈公問其笑故具告靈公靈公召之獨弗予羹子公怒  
染其指左傳曰染指於鼎嘗之而出公怒欲殺子公與子  
家謀先夏弒靈公鄭人欲立靈公弟去疾去疾讓曰必  
以賢則去疾不肖必以順則公子堅長堅者靈公庶弟  
徐廣曰年表云靈公庶兄去疾之兄也於是乃立子堅是為襄公襄  
公立將盡去繆氏繆氏者殺靈公子公之族家也去疾  
曰必去繆氏我將去之乃止皆以為大夫襄公元年楚  
怒鄭受宋賂縱華元伐鄭鄭背楚與晉親五年楚復伐

鄭晉來救之六年子家卒國人復逐其族以其弑靈公也七年鄭與晉盟鄆陵八年楚莊王以鄭與晉盟來伐圍鄭三月鄭以城降楚楚王入自皇門鄭襄公肉袒擊羊以迎曰孤不能事邊邑使君王懷怒以及弊邑孤之罪也敢不惟命是聽君王遷之江南及以賜諸侯亦惟命是聽若君王不忘厲宣王桓武公哀不忍絕其社稷錫不毛之地何休曰燒埆不生五谷使復得改事君王孤之願也然非所敢望也敢布腹心惟命是聽莊王為却三十里而後舍楚羣臣曰自郟至此士大夫亦久勞矣今得國舍之何如莊王曰所為伐伐不服也今已服尚何求乎卒去晉聞楚之伐鄭發兵救鄭其來持兩端

鄭世家

何休皇門鄭門

故遲比至河楚兵已去晉將率或欲渡或從還卒渡河莊王聞還擊晉鄭反助楚大破晉軍於河上十年晉來伐鄭以其反晉而親楚也十一年楚莊王伐宋宋告急于晉晉景公欲發兵救宋伯宗諫晉君曰天方開楚未可伐也乃求壯士得霍人解揚字子虎誑楚令宋毋降過鄭鄭與楚親乃執解揚而獻楚楚王厚賜與約使反其言令宋趣降三要乃許於是楚登解揚樓車服虔曰樓車者杜預曰樓車車上望櫓也令呼宋遂負楚約而致其晉君命曰晉方悉國兵以救宋宋雖急慎毋降楚晉兵今至矣楚莊王大怒將殺之解揚曰君能制命為義臣能承命為信受吾君命以出有死無墮服虔曰墮也莊王曰

張



若之許我已而背之其信安在解揚曰所以許王欲以成吾君命也將死顧謂楚軍曰為人臣毋忘盡忠得死者楚王諸弟皆諫王赦之於是赦解揚使歸晉爵之為上卿十八年襄公卒子悼公潰立索隱曰劉音發鄭本一作弗一作沸左傳作費音扶未反悼公元年鄆公徐廣曰音許許公靈公也惡鄭於楚悼公使弟踰於楚自訟索隱曰踰音公遂反訟不直楚囚踰於是鄭悼公來與晉平遂親踰私於楚子及子反言歸踰於鄭二年楚伐鄭晉兵來救是歲悼公卒立其弟踰是為成公成公三年楚共王曰鄭成公孤有德焉使人來與盟成公私與盟秋成公朝晉晉曰鄭私平於楚執之使藥書伐鄭四年春鄭患晉圍公子如乃立成公庶兄縹為君索隱曰縹

鄭世家

日縹音頃鄭氏云一作纏其四月晉聞鄭立君乃歸成公鄭人聞成公歸亦殺君縹迎成公晉兵去十年背晉盟盟於楚晉厲公怒發兵伐鄭楚共王救鄭晉楚戰鄢陵楚兵敗晉射傷楚共王目俱罷而去十三年晉悼公伐鄭兵於洧上服虔曰洧水名○正義曰括地志云洧水在鄭州新鄭縣北三里古新鄭城南韓詩外傳云鄭俗二月挑花水出時會於洧洧水上以自鄭城守晉亦去十四年被除按在古城城南與洧水合鄭城守晉亦去十四年成公卒子暉立是為釐公索隱曰暉音紆粉反左傳作鬲原釐公五年鄭相子駟朝釐公釐公不禮子駟怒使厨人藥殺釐公徐廣曰年表云子駟使賊夜弑信公赴諸侯曰釐公暴病卒立釐公子嘉嘉時年五歲是為簡公簡公元年諸公子謀欲誅相子駟子駟覺之反盡誅諸公子二年晉伐鄭鄭與盟晉去

冬又與楚盟子駟畏誅故兩親晉楚三年相子駟欲自立為君公子子孔使尉止殺相子駟而代之子孔又欲自立子產曰子駟為不可誅之今又效之是亂無時息也於是子孔從之而相鄭簡公四年晉怒鄭與楚盟伐鄭鄭與盟楚共王救鄭敗晉兵簡公欲與晉平楚又囚鄭使者十二年簡公怒相子孔專國權誅之而以子產為卿十九年簡公如晉請衛君還而封子產以六邑服曰四井子產讓受其三邑二十二年吳使延陵季子於鄭見子產如舊交謂子產曰鄭之執政者侈難將至政將及子子為政必以禮不然鄭將敗子產厚遇季子二十三年諸公子爭寵相殺又欲殺子產公子或諫曰子

鄭世家

產仁人鄭所以存者子產也勿殺乃止二十五年鄭使

子產於晉問平公疾平公曰卜而曰實沉臺駘為祟史

官莫知敢問對曰高辛氏有二子長曰閼伯季曰實沉

居曠林曠大也不相能也日操干戈以相征伐后帝弗

臧賈逵曰后帝臧堯也臧善也遷閼伯于商丘主辰賈逵曰商丘在漳南杜預曰商丘宋

地服虔曰辰商人是因故辰為商星服虔曰商人契之先湯之始祖相土

封閼伯之故地因遷實沉于大夏主參服虔曰大夏在

其故國而代之參星杜預曰大夏今晉陽縣唐人是因服事夏商賈逵曰唐人謂陶唐氏之胤劉累也

事夏帝孔甲封于大夏因實沉之國子孫以服事商也正義曰若地志云故唐城在絳州翼城縣西二十里

徐才宗國都城記云唐因帝堯之裔子所封春秋云夏引甲時有堯苗胤劉累者以豢龍事孔甲夏后嘉之賜

既而使求之懼而遷于魯縣夏后蓋別封劉累之後于

夏之墟為唐侯至周成王時唐人作亂成王滅之而封  
大叔遷唐天子孫於社謂之杜伯范氏所在因為唐杜  
氏地記云唐氏在大夏之墟屬河東安縣今在絳城西  
北一百里有唐城者以為唐舊國然則叔虞之封即此  
地也其季世曰唐叔虞杜預曰唐人之季世其君曰叔虞當武王邑姜方  
娠大叔夢帝謂己也賈逵曰帝天也己武王也余命而子曰虞杜預曰取唐君  
名乃與之唐屬之參而蕃育其子孫及生有文在其掌  
曰虞遂以命之及成王滅唐而國太叔焉故參為晉星  
賈逵曰晉主祀參參為晉星由是觀之則實沉參神也昔金天氏有  
稟子曰昧為玄冥師服虔曰金天少暉也玄冥水官也師長也昧為水官之長生允  
格臺駘服虔曰允格臺駘兄弟也臺駘能業其官服虔曰脩昧之職宣汾洺  
賈逵曰宣猶通也汾洺二水也障大澤服虔曰障其水也以處太原服虔曰太原原汾水名也杜預曰太原晉陽也帝用嘉之國之汾川服虔曰帝顯顯也沈妣

鄭世家

是  
薦黃實守其祀賈逵曰四國臺駘之後也今晉主汾川而滅之賈逵曰滅  
四由是觀之則臺駘汾洺神也然是二者不害君身山  
川之神則水旱之苗祭之服虔曰祭為營攢用幣也若  
祈福也日月星辰之神則雪霜風雨不時祭之若君疾飲  
食哀樂女色所生也平公及叔嚮曰善博物君子也厚  
為之禮於子產二十七年夏鄭簡公朝晉冬畏楚靈王  
之疆又朝楚子產從二十八年鄭君病使子產會諸侯  
與楚靈王盟於申誅齊慶封三十六年簡公卒子定公  
寧立秋定公朝晉昭公元年楚公子棄疾弒其君  
靈王而自立為平王欲行德諸侯歸靈王所侵鄭地于  
鄭四年晉昭公卒其六卿疆公室卑子產謂韓宣子曰

為政必以德母忘所以立六年鄭火公欲禳之子產曰  
不如脩德八年楚太子建來奔十年太子建與晉謀襲  
鄭鄭殺建建子勝奔吳十一年定公如晉晉與鄭謀誅  
周亂臣入敬王于周索隱曰王避弟子朝之亂出居狄  
泉在昭二十三年至二十六年晉  
鄭入之經曰天王  
入于成周是也十三年定公卒子獻公薑立獻公十  
三年卒子聲公勝立當是時晉六卿彊侵奪鄭鄭遂弱  
聲公五年鄭相子產卒正義曰柘地志云子產墓在新  
鄭縣西南二十五里鄆元注水  
經云子產墓在涇水上累石為方墳  
墳東北向鄭城杜預云言不忘本也鄭人皆哭泣悲之  
如亡親戚子產者鄭成公少子也為人仁愛人事君忠  
厚孔子嘗過鄭與子產如兄弟云及聞子產死孔子為  
泣曰古之遺愛也賈逵曰愛惠也杜預曰子  
產見愛有古人遺風也兄弟事子產

鄭世家

已武作已誤

八年晉范中行氏反晉告急於鄭鄭救之晉伐鄭敗鄭  
軍於鐵杜預曰戚城南鐵立○正義曰柘地志  
云鐵州在滑州衛南縣東南十五里十四年  
宋景公滅曹二十年齊田常弒其君簡公而常相於齊  
二十二年楚惠王滅陳孔子卒二十六年晉知伯伐鄭  
取九邑三十七年聲公卒子哀公易立年表云三  
十八年哀公  
八年鄭人弒哀公而立聲公弟丑是為共公公三年  
晉滅知伯三十年共公卒子幽公已立幽公元年韓武  
子伐鄭殺幽公鄭人立幽公弟駘是為繻公年表曰鄭  
立幽公子  
駘繻或  
作繻繻公十五年韓景侯伐鄭取雍丘鄭城京十六  
年鄭伐韓敗韓兵於負黍徐廣曰在陽城○正義曰柘  
地志云負黍亭在洛州陽城  
縣西南三十五  
里故國邑也二十年韓趙魏列為諸侯二十三年鄭

圍韓之陽翟二十五年鄭君殺其相子陽二十七年子陽之黨共弑繻公駘而立幽公弟乙為君是為鄭君徐廣曰一本云立幽公弟乙陽為君是為康公六國年表云立幽公子駘又以鄭君陽為鄭康公乙莊固云鄭康公乙為韓鄭君乙立二年鄭負忝反復歸韓十一年韓伐鄭取陽城二十一年韓哀侯滅鄭并其國大史公曰語有之以權利合者權利盡而交踈南瑕是也南瑕雖以劫殺鄭子內厲公厲公終背而殺之此與晉之里克何異守節如荀息身死而不能存奚齊變所從來亦多故矣

索隱述贊曰

厲王之子

得封於鄭

代職司徒

鄭世家

緇衣在詠	魏郟獻邑	祭足專命
莊既犯王	厲亦奔命	居櫟克入
夢蘭䟽慶	伯服生囚	叔瞻尸聘
釐簡之後	公室不競	負忝雖還
韓哀日盛		

鄭世家第十二

史記四十二

鄭世家

趙世家第十三

史記四十三

趙氏之先與秦共祖至中衍正義曰中音仲為帝大戊御其後

世蜚廉有子二人而命其一子曰惡來事紂為周所殺

其後為秦惡來弟曰季勝其後為趙季勝生孟增孟增

幸於周成王是為宅臯狼徐廣曰或云臯狼地名在西河○索隱曰按如此說是名

孟增號宅臯狼而徐廣云臯狼地名在西河者按地理志臯狼是西河郡之縣名蓋孟增幸於周成王成王居

之於臯狼臯狼生衡父衡父生造父造父幸於周繆王

故云臯狼造父取驥之乘匹正義曰乘食證反並四曰乘兩與挑

林正義曰柘地志云挑林在陝州挑林縣西至潼關皆為挑林塞地山海經云夸父之山北有林焉名曰挑

得驪騮耳之乘獻周穆王也於此盜驪騮騮綠耳獻之

繆王索隱曰言造父取八駿品其色齊其繆王使造父

乘曰盜竊也淺也驪黑也也又曰驪黃也騮赤也

受我曰按穆元年去獲季  
三百一十餘年

御西巡狩見西王母樂之志歸索隱曰穆天子傳曰穆

之上作歌是樂而志歸也而燕周不信此事而云余常

聞之代俗以東西陰陽所出入宗其神謂之王父母或

曰池名在西而徐偃王反正義曰括地志云大徐城在

域有何據乎泗州徐城縣北二十里古之

徐國也博物志云徐君宮人叛生卵以為不祥棄於水

濱孤獨母有犬名鵠倉街所棄卵以歸覆煖之遂成小

兒生偃王故宮人聞之更收養之及長襲為徐君後繆

鵠倉臨死生角而九尾實黃龍也鵠倉或名后倉也繆

王日馳千里馬攻徐偃王大破之索隱曰燕周曰徐偃

周穆王遠矣且王者行有同衛豈聞亂而乃賜造父以

獨長驅日行千里乎並言此事非實也

趙城正義曰晉州趙城由此為趙氏自造父已下六世

至奄父曰公仲周宣王時代戎為御及千畝戰正義曰

云千畝原在晉州岳奄父脫宣王奄父生叔帶叔帶之

陽縣北九十里也時周幽王無道去周如晉事晉文侯始建趙氏于晉國

趙世家

自叔帶以下趙宗益興五世而生趙夙趙夙晉獻公之

十六年伐霍魏耿而趙夙為將伐霍霍公求犇齊徐廣

一作晉大旱卜之曰霍太山為祟使趙夙召霍君於齊

復之以奉霍太山之祀晉復隳晉獻公賜趙夙耿索隱

河東皮氏夙生共孟當魯閔公之元年也共孟生趙衰

字子餘索隱曰系本云公明生共孟及趙夙夙生成季

生衰燕周亦趙衰卜事晉獻公及諸公子莫吉卜事公

子重耳吉即事重耳重耳以驪姬之亂亡奔翟趙衰從

翟伐唐咎如得二女翟以其少女妻重耳長女妻趙衰

而生盾初重耳在晉時趙衰妻亦生趙同趙括趙嬰齊

趙衰從重耳出亡凡十九年得反國重耳為晉文公趙

襄為原大夫居原任國政索隱曰系本云成季從原宋忠云今為門平原縣也○正義曰括地志云原平故城漢原平縣也在代州崞縣南三十五里崞音郭按宋忠說非也括地志云故原城在懷州濟原縣西北二里左傳云襄主以原賜晉文公原不服文公伐原以示信原降以趙衰為原大夫即此也原本周畿內邑也文公所以反國及霸多趙衰計策語在晉事  
中趙衰既反晉晉之妻固要迎翟妻而以其子盾為適嗣晉妻三子皆下事之晉襄公之六年而趙衰卒謚為成季趙盾代成季任國政二年而晉襄公卒太子夷臯年少盾為國多難欲立襄公弟雍雍時在秦使使迎之太子母日夜啼泣索隱曰頓首謂趙盾曰先君何罪釋穆也頓首謂趙盾曰先君何罪釋其適子而更求君趙盾患之恐其宗與大夫襲誅之廼遂立太子是為靈公發兵距所迎襄公弟於秦者靈公

趙世家

趙

雍

既立趙盾益專國政靈公立十四年益驕趙盾驟諫靈公弗聽及食熊蹯膈不熟殺宰人持其尸出趙盾見之靈公由此懼欲殺盾盾素仁愛人嘗所食桑下餓人反扞救盾盾以得亡未出境而趙穿弑靈公而立襄公弟黑臀是為成公趙盾復反任國政君子譏盾為正卿亡不出境反不討賊故太史書曰趙盾弑其君晉景公時索隱曰成公之子名據而趙盾卒謚為宣孟子朔嗣趙朔晉景公之三年朔為晉將下軍救鄭與楚莊王戰河上朔娶晉成公姊為夫人晉景公之三年大夫屠岸賈欲誅趙氏徐廣曰按年表救鄭初趙盾在時夢見叔帶持要而哭及誅滅皆景公三年初趙盾在時夢見叔帶持要而哭甚悲已而笑拊手且歌盾卜之兆絕而後好趙史援占

因字紀周士趙世家趙盾學晉成公師為夫人左傳趙盾曰案傳趙衰適妻是又云之若相妻成公之師則亦又云之若君之從君不可以為妻且又云之卒此四十六年莊在莊此時尚少不得為成公師賈服先儒皆以為成公之故杜從之

三或作四  
屠同都切  
或以屠岸  
賈為屠岸  
子

謂外子  
物意熟之



因學紀聞一屬岸賈誅趙氏校  
趙朔趙同趙括又云秦靜即  
他代武死程嬰區武於中居  
丁五年九傳秦靜秦將下軍  
則於時朔已死矣不得同括  
俱死之謂君明諸臣強無名有  
屬岸賈報則其間此專於  
呂威久口史記失於傳聞之差是  
時晉室正盛而云秦莊子於  
宮中齊宮中自有犯相不容如  
此類與已死而不同括同時死  
以二為致一是其謬

之曰此夢甚惡非君之身乃君之子然亦君之咎至孫  
趙將世益衰屠岸賈者始有寵於靈公及至於景公而  
賈為司寇將作難乃治靈公之賊以致趙盾徧告諸將  
曰盾雖不知猶為賊首以臣弑君子孫在朝何以懲臯  
請誅之韓厥曰靈公遇賊趙盾在外吾先君以為無罪  
故不誅今諸君將誅其後是非先君之意而今妄誅妄  
誅謂之亂臣有大事而君不聞是無君也屠岸賈不聽  
韓厥告趙朔趣亡朔不肯曰子必不絕趙祀朔死不恨  
韓厥許諾稱疾不出賈不請而擅與諸將攻趙氏於下  
宮殺趙朔趙同趙括趙嬰齊皆滅其族趙朔妻成公姊  
有遺腹走公宮匿趙朔客曰公孫杵臼杵臼謂朔友人

趙世家

程嬰曰胡不死程嬰曰朔之婦有遺腹若幸而男吾奉  
之即女也吾徐死耳居無何而朔婦免身生男屠岸賈  
聞之索於宮中夫人置兒絝中祝曰趙宗滅乎若號即  
不滅若無聲及索兒竟無聲已脫程嬰謂公孫杵臼曰  
今一索不得後必且復索之奈何公孫杵臼曰立孤與  
死孰難程嬰曰死易立孤難耳公孫杵臼曰趙氏先君  
遇子厚子彊為其難者吾為其易者請先死乃二人謀  
取他人嬰兒負之衣以文葆徐廣曰小兒被曰葆匿山中程嬰出  
謬謂諸將軍曰嬰不肖不能立趙孤誰能與我千金吾  
告趙氏孤處諸將皆喜許之發師隨程嬰攻公孫杵臼  
杵臼謬曰小人哉程嬰昔下宮之難不能死與我謀匿

本  
趙後有子孫乎

趙氏孤兒今又賣我縱不能立而忍賣之乎抱兒呼曰  
天乎天乎趙氏孤兒何罪請活之獨殺杵臼可也諸將  
不許遂殺杵臼與孤兒諸將以為趙氏孤兒良已死皆  
喜然趙氏真孤乃反在程嬰卒與俱匿山中居十五年  
晉景公疾卜之大業之後不遂者為祟景公問韓厥厥  
知趙孤在乃曰大業之後在晉絕祀者其趙氏乎夫自  
中術者皆羸姓也中術人面鳥喙降佐殷帝大戊及周  
天子皆有明德下及幽厲無道而叔帶去周適晉事先  
君文侯至于成公世有立功未嘗絕祀今吾君獨滅趙  
宗國人哀之故見龜策唯君圖之景公問趙尚有後子  
孫乎韓厥具以實告於是景公乃與韓厥謀立趙孤兒

趙世家

召而匿之宮中諸將入問疾景公因韓厥之眾以資諸  
將而見趙孤趙孤名曰武諸將不得已乃曰昔下宮之  
難屠岸賈為之矯以君命并命羣臣非然孰敢作難微  
君之疾群臣固且請立趙後今君有命群臣之願也於  
是召趙武程嬰徧拜諸將遂反與程嬰趙武攻屠岸賈  
滅其族復與趙武田邑如故

徐廣曰推次晉復與趙武田邑是景公之十七年也

而乃是春秋成公八年經書晉殺其大夫趙盾趙盾及左傳於此說立趙武事者註云終說之耳非此年也

趙武冠為成人程嬰乃辭諸大夫謂趙武曰昔下宮之  
難皆能死我非不能死我思立趙氏之後今趙武既立  
為成人復故位我將下報趙宣孟與公孫杵臼趙武啼  
泣頓首固請曰武願苦筋骨以報子至死而子忍去我

諸將

反

死乎程嬰曰不可彼以我為能成事故先我死今我不報是以我事為不成遂自殺趙武服齊衰三年為之祭邑春秋祠之世世勿絕新序曰程嬰公孫杵曰可謂信友厚士矣嬰之自殺下報亦過矣○正義曰今河東趙氏祠先人猶別有一座祭二士矣趙氏復位十一年而晉厲公殺其大夫三郤欒書畏及乃遂弑其君厲公更立襄公會孫周徐廣曰年表云襄公孫也○索隱曰系本隱曰晉系家云襄公少子名周是為悼公晉由此大夫稍彊趙武續趙宗二十七年晉平公立平公十二年而趙武為正卿十三年吳延陵季子使於晉曰晉國之政卒歸於趙武子韓宣子魏獻子之後矣趙武死謚為文子文子生景叔索隱曰系本云景叔名成景叔之時齊景公使晏嬰於晉徐廣曰平晏嬰與晉叔向語嬰曰齊之

趙世家

及一平及一平

皆平

政後卒歸田氏叔向亦曰晉國之政將歸六卿六卿侈矣而吾君不能恤也趙景叔卒生趙鞅是為簡子趙簡子在位晉頃公之九年簡子將合諸侯戍于周其明年入周敬王于周辟弟子朝之故也晉頃公之十二年六卿以法誅公族祁氏羊舌氏分其邑為十縣六卿各令其族為之大夫晉公室由此益弱後十三年魯賊臣陽虎來奔趙簡子受賂厚遇之趙簡子疾五日不知人大夫皆懼醫扁鵲視之出董安于問韋昭曰安于簡子家臣扁鵲曰血脉治也而何怪在昔秦繆公嘗如此七日而寤寤之日告公孫支與子輿索隱曰二子秦大夫公孫支子桑曰我之帝所甚樂吾所以父者適有學也帝告我晉國將大亂五世不

扁鵲

又 孟我曰學謂受下放命

安其後將霸未老而死霸者之子且令而國男女無別  
公孫支書而藏之索隱曰藏一作籍籍錄也謂秦識於  
是出矣獻公之亂文公之霸而襄公敗秦師於殺而歸  
縱淫此子之所聞今主君之疾與之同不出三日疾必  
間間必有言也居二日半簡子寤語大夫曰我之帝所  
甚樂與百神游於鈞天廣樂九奏萬舞不類三代之樂  
其聲動人心有一熊欲來援我帝命我射之中熊熊死  
又有一羆來我又射之中羆羆死帝甚喜賜我二笥皆  
有副吾見兒在帝側帝屬我一翟犬曰及而子之壯也  
以賜之帝告我晉國且世衰七世而立正義曰謂晉定  
公烈公孝公靜公為之七世靜公三年為三晉羆姓將  
所滅據此及年表簡公子疾在定公十一年

趙世家

浙星馬切其字從白浙白是  
言於帝側先手浙白分明  
記識之

日者 本

大敗周人於范魁之西正義曰羆趙姓也周人謂簡也  
鄆七十三是也賈而亦不能有也索隱曰范魁地名今  
余思虞舜之勳適余將以其胄女孟姚配而七世之孫  
索隱曰即姓羆吳廣之女姚董安于受言而書藏之以  
扁鵲言告簡子簡子賜扁鵲田四萬畝他日簡子出有  
人當道辟之不去從者怒將刃之當道者曰吾欲有謁  
於主君從者以聞簡子召之曰譖吾有所見子晰也索  
曰簡子見當道者乃寤曰嘻是故當道者曰屏左右願  
吾前夢所見者知其名曰子晰也有謁簡子屏人當道者曰主君之疾臣在帝側簡子曰  
然有之子之見我我何為當道者曰帝令主君射熊與  
羆皆死簡子曰是且何也當道者曰晉國且有難主

囊曰簡子問何姓又延之何官之

君首之帝令主君滅二卿夫熊與羆皆其祖也正義曰范氏中  
行氏簡子曰帝賜我二笥皆有副何也正義曰副謂當  
道者曰主君之子將克二國於翟皆子姓也正義曰謂  
也簡子曰吾見兒在帝側帝屬我一翟犬曰及而子之  
長以賜之夫兒何謂以賜翟犬當道者曰兒主君之子  
也翟犬者代之先也主君之子且必有代及主君之後  
嗣且有革政而胡服正義今時服也并二國於翟正義  
靈王畧中山地至寧葭西畧胡地至樓煩榆中是也簡子問其姓而延之以官當  
道者曰臣野人致帝命耳遂不見簡子書藏之府異日  
姑布子卿見簡子司馬彪曰姑布姓子卿字簡子徧召諸子相之子  
卿曰無為將軍者簡子曰趙氏其滅乎子卿曰吾嘗見

趙世家

一子於路殆君之子也簡子召子母邲母邲至則子卿  
起曰此真將軍矣簡子曰此其母賤翟婢也奚道貴哉  
子卿曰天所授雖賤必貴自是之後簡子盡召諸子與  
語母邲最賢簡子乃告諸子曰吾藏寶符於常山上先  
得者賞諸子馳之常山上求無所得母邲還曰已得符  
矣簡子曰奏之母邲曰從常山上臨代代可取也正義  
道記云恒山在上曲陽縣西北百四十里北行簡子於  
四百五十里得恒山吸號飛狐口北則代郡也是知母邲果賢乃廢太子伯魯而以母邲為太子後二  
年晉定公之十四年范中行作亂明年春簡子謂邯鄲  
大夫午曰歸我衛士五百家吾將置之晉陽服虔曰往  
衛衛人恐懼故貢五百家午許諾歸而其父兄不聽  
置之邯鄲又欲更徙於晉陽

服虔曰午之諸父倍言趙鞅捕午囚之晉陽乃告邯鄲  
人曰我私有誅午也諸君欲誰立杜預曰午趙鞅同族  
人更立午宗親也遂殺午趙稷涉實以邯鄲反服虔曰晉君使  
籍秦圍邯鄲左傳曰籍秦此時為上軍司馬○索隱曰  
荀寅范吉射與午善左傳曰午荀寅之甥荀寅范吉射  
邀生桓伯林父林父生宣伯夷生獻伯偃偃生穆伯  
吳吳生寅本姓荀自荀偃將中軍晉改中軍曰中行因  
氏焉元與智氏同祖逝敖故智氏亦稱荀范氏晉大夫  
隰叔之子士鷲之後焉生成伯缺缺生武子會會生文  
叔變生宣叔宣叔生吉射也不肯助秦而謀作亂董安于知  
之十月范中行氏正義曰按會食邑於范因為范氏又  
行因號中行氏元與智伐趙鞅鞅奔晉陽晉人圍之范  
氏因承襲逝敖姓荀氏吉射荀寅仇人魏襄等謀逐荀寅以梁嬰父代之賈逵  
趙世家

平叔作韓不信信與韓簡子  
之信本作信也

嬰父晉大夫也逐吉射以范臯繹代之服虔曰范氏荀躒言於  
晉侯曰服虔曰荀躒智文子○索隱曰系本云逝邀生  
盈生文子樂生宣子申申生智伯瑤君命大臣始亂者死今三臣始亂  
中行趙也而獨逐鞅用刑不均請皆逐之十一月荀躒  
韓不佞魏哆奉公命以伐范中行氏索隱曰不佞韓簡  
也名取不克范中行氏反伐公公擊之范中行敗走丁未  
二子奔朝歌索隱曰范吉韓魏以趙氏為請服虔曰以  
荀范也○正義曰按趙鞅被范中行伐乃奔其罪輕於十二月辛  
未趙鞅入絳盟于公宮其明年知伯文子謂趙鞅曰范  
中行雖信為亂安于發之是安于與謀也晉國有法始  
亂者死夫二子已伏罪而安于獨在趙鞅患之安于曰

臣死趙氏定晉國寧吾死晚矣遂自殺趙氏以告知伯  
然後趙氏寧孔子聞趙簡子不請晉君而執邯鄲午保  
晉陽故書春秋曰趙鞅以晉陽畔趙簡子有臣曰周舍  
好直諫周舍死簡子每聽朝常不悅大夫請臯簡子曰  
大夫無罪吾聞千羊之皮不如一狐之腋諸大夫朝徒  
聞唯唯不聞周舍之鄂鄂是以憂也韓詩外傳曰周舍  
立於門下三日三  
夜簡子使問之曰子欲見寡人何事對曰願為鄂鄂之  
臣墨筆操牘從君之過而日有記月有成歲有效也  
簡子由此能附趙邑而懷晉人晉定公十八年趙簡子  
圍范中行于朝歌中行文子奔邯鄲索隱曰荀寅也明年衛靈  
公卒簡子與陽虎送衛太子蒯聵于衛衛不內居戚正義  
曰括地志云戚城在相州澶水縣東三十  
里杜預云戚衛邑在頓立縣西有戚城是也晉定公二

趙世家

城

秋

晉定公

十一年簡子拔邯鄲中行文子奔栢人簡子又圍栢人  
中行文子范昭子遂奔齊索隱曰趙竟有邯鄲栢人范  
吉射也趙竟有邯鄲栢人范  
中行餘邑入于晉趙名晉卿實專晉權奉邑侔於諸侯  
晉定公三十年定公與吳王夫差爭長於黃池趙簡子  
從晉定公卒長吳定公三十七年卒而簡子除三年之  
喪期而已是歲越王勾踐滅吳晉出公十一年知伯伐  
鄭趙簡子疾使太子母邱將而圍鄭知伯醉以酒灌擊  
母邱母邱羣臣請死之母邱曰君所以置母邱為能忍  
詢然亦愠知伯知伯歸因謂簡子使廢母邱簡子不聽  
母邱由此怨知伯晉出公十七年簡子卒張華曰趙簡  
子冢在臨水  
界二冢併上太子母邱代立是為襄子趙襄子元年越  
氣成樓閣

圍吳正義曰年表及趙世家云左傳越滅吳在簡子二十五年已在襄子元年前十五年矣何得更有越

圍吳之事從此以下至問吳王襄子降喪食使楚隆問

吳王正義曰左傳云哀公二十年簡子死襄子嗣立以越圍吳故降父之祭饌而使楚隆慰問王為哀公

十二年簡子在黃池之役與吳王質言曰好惡同之故

滅祭饌及問吳王也而趙世家及六國年表云此年晉

定公卒簡子除三年之喪服暮而已按簡子死及使吳年月皆誤與左傳文不同襄子姊前為

代王夫人簡子既葬未除服北登夏屋徐廣曰山在廣武○正義曰括

地志云夏屋山一名賈屋山今名賈母山在代州鴈門縣東北三十五里夏屋與句注山相接蓋北方之險亦

天下之阻路所請代王使厨人操銅料正義曰音斗合以分別內外也

以食代王及從者行斟陰令宰人各徐廣

捩取斟水器以食代王及從者行斟陰令宰人各徐廣

趙世家

而呼天摩笄自殺代人憐之所死地名之為摩笄之山

作以料擊殺代王及從官遂與兵平代地其姊聞之泣

說文云鈞也以食代王及從者行斟陰令宰人各徐廣

捩取斟水器以食代王及從者行斟陰令宰人各徐廣

者亦自殺而死使遂以代封伯魯子周為代成君伯魯者

襄子兄故太子太子蚤死故封其子襄子立四年知伯

與趙韓魏盡分其范中行故地晉出公怒告齊魯欲以

伐四卿四卿恐遂共攻出公出公奔齊道死知伯乃立

昭公曾孫驕是為晉懿公索隱曰或作哀公其大父名

知伯益驕請地韓魏韓魏與之請地趙趙不與以其圍

鄭之辱知伯怒遂率韓魏攻趙趙襄子懼乃奔保晉陽

原過從後至於王澤正義曰括地志云王澤在絳州正平縣南七里也見三人

自帶以上可見自帶以下不可見與原過竹二節莫通



正義曰馮音馮依之尤雅明  
眼之界即介之末与被甲

曰為我以是遺趙毋邱原過既至以告襄子襄子齊三日親自剖竹有朱書曰趙毋邱余霍泰山徐廣曰在河東永安縣山陽侯天使也三月丙戌余將使女反滅知氏女亦立我百邑余將賜女林胡之地至于後世且有仇王亦黑龍面而烏喙鬢髯頰大膺大曾脩下而馮左衽界乘徐廣曰脩或作之奄有河宗正義曰穆天子傳云河宗之隨界一作介至于休溷諸貉正義曰音陌自河宗休南二州之地也北滅黑姑正義曰襄子再伐晉別正義曰趙南伐晉之別邑謂韓魏之邑也拜受三神之令三國攻晉陽歲餘引汾水灌其城城不浸者三版正義曰何休云八尺曰版城中懸釜而炊易子而食群臣皆有外心禮益慢唯高共徐廣曰一作蘇不敢失禮襄子懼乃

趙世家

赤

夜使相張孟同私於韓魏索隱曰戰國策作張孟談者史正之父名遷列改為同韓魏與合謀以三月丙戌三國反滅知氏共分其地於是襄子行賞高共為上張孟同曰晉陽之難唯共無功襄子曰方晉陽急群臣皆懈惟共不敢失人臣禮是以先之於是趙北有代南并知氏疆於韓魏遂祠三神於百邑使原過主霍泰山祠祀正義曰括地志云三神祠今名原過祠今在霍山側也其後娶空同氏正義曰括地志云崆峒山在肅州福祿縣東南六十里古西戎地又原州平高縣西百里亦有崆峒山即黃帝問廣成子道處俱是西戎地未知孰是生五子襄子為伯魯之不立也不肯立子且必欲傳位與伯魯子代成君成君先死乃取代成君子浹立為太子索隱曰代成之子系本云代成君子起即襄子之子不云伯魯非也襄子立三十三年卒浹立

是為獻侯獻侯少即位治中牟

地理志曰河南中牟縣趙獻侯自耿徙此

中牟在春秋之時是鄭之疆內也及三卿分晉則在魏之邦土也趙界自漳水以北不及此春秋傳曰衛侯如

晉過中牟按中牟非衛道晉之文也汲郡古文曰齊師伐趙東鄙圍中牟此中牟不在趙之東也按中牟當潞

水之北○索隱曰此趙中牟在河北非鄭之中牟○正義曰按五鹿在魏州元城縣東十二里鄭即相州蕩陽

縣西五十八里有牟山蓋中牟邑在此山則也襄子弟桓子逐獻侯自立於代

索隱曰系本云襄子桓子與此不同一年卒國人曰桓子立非襄子意

乃共殺其子而復迎立獻侯十年中山武公初立

徐廣曰西周桓公之子桓公者孝王弟而定王子○索隱曰中山古解虞國邴姓也系本云中山武公居顛桓公徙

為趙武靈王所滅不言誰之子孫徐廣云西周桓公之子亦無所據蓋未得其實

十三年城平邑

地理志曰代郡有平邑縣十五年獻侯卒子烈侯籍立烈侯元年魏文侯伐中山使太子擊守之六年魏韓趙皆相立為

趙世家

諸侯追尊獻子為獻侯烈侯好音謂相國公仲連曰寡

人有愛可以貴之乎公仲曰富之可貴之則否烈侯曰

然夫鄭歌者捨石二人索隱曰捨音七羊反捨與石二人名吾賜之田人

萬畝公仲曰諾不與居一月烈侯從代來問歌者田公

仲曰求未有可者有頃烈侯復問公仲終不與乃稱疾

不朝番吾君徐廣曰番音盤常山有番五縣○正義曰括地志云番吾故城在恒州旁山縣東二

十里番音耳自代來謂公仲曰君實好善而未知所持

今公仲相趙於今四年亦有進士乎公仲曰未也番吾

君曰牛畜荀欣徐越皆可公仲乃進三人及朝烈侯復

問歌者田何如公仲曰方便擇其善者牛畜侍烈侯以

仁義約以王道烈侯道然正義曰道音由古字與依同言牛畜以仁義約以王道故

使牛畜

立獻侯

正歌者田彼彼明日荀欣侍以選練舉賢任官使能明  
氣行鬼寬綏也日徐越侍以節財儉用察度功德所與無不充君說烈  
侯使使謂相國曰歌者之田且止官牛畜為師荀欣為  
中尉徐越為內史正義曰漢書百官公卿表云少府賜  
相國衣一襲單復具九年烈侯卒弟武公立索隱曰蕭  
及說趙語者並無其事蓋別有所據武公十三年卒趙復立烈侯太子章  
是為敬侯是歲魏文侯卒敬侯元年武公子朝作亂不  
克出奔魏趙始都邯鄲二年敗齊于靈丘地理志曰代  
三年救魏于凜丘大敗齊人四年魏敗我兔臺築剛平  
正義曰兔臺剛平並在河北以侵衛五年齊魏為衛攻趙取我剛平  
六年借兵於楚伐魏取棘蒲正義曰今趙州平棘縣古棘蒲邑八年拔

趙世家

魏黃城杜預曰陳留外黃縣有黃城○正義曰括地  
名按陳留外黃城非隨所別也九年伐齊齊伐燕趙救燕十年與中山  
戰于房子正義曰趙州房子縣是十一年魏韓趙共滅晉分其地  
伐中山又戰於中人徐廣曰中山唐縣有中人亭○正  
人亭在定州唐縣東北四十一里春秋時鮮虞國之中人邑也十二年敬侯卒子成侯  
種立成侯元年公子勝與成侯爭立為亂二年六月雨  
雪三年大戊午為相徐廣曰一作戊伐衛取鄉邑七十三魏  
敗我蘭正義曰地理志云屬西河郡也四年與秦戰高安正義曰蓋敗  
之五年伐齊于野正義曰濮州是也魏敗我懷攻鄭敗之以  
與韓韓與我長子地理志曰上黨有長子縣六年中山築長城伐魏  
敗涿澤正義曰涿音濁徐廣云長杜有濁澤非也括地

安邑韓趙伐魏豈河南至長杜圍魏惠王七年侵齊至

也解縣濁水近於魏都當是也

長城正義曰齊長城西頭在齊州平陰縣太山記云太

地志云所侵厥在與韓攻周八年與韓分周以為兩

曰顯王二年周紀無此○正義曰括地志云史記周顯

王二年西周惠公封少子班於鞏為東周其子武公為

秦所滅郭緣生述征記九年與齊戰阿下徐廣曰戰一

云鞏縣本周鞏伯邑十年攻衛取甄十一年秦攻魏趙救

之石阿正義曰蓋在石十二年秦攻魏少梁正義曰少

梁故城在同州韓城縣南二十

二里古少梁國也趙救之十三年秦獻公使庶長國

伐魏少梁虜其太子痤魏敗我澮取皮牢徐廣曰魏年

表曰取趙皮侯遇上黨十四年與韓攻秦十五年助魏攻齊十六年

趙世家

與韓魏分晉封晉君以端氏徐廣曰在平陽○正十七

年成侯與魏惠王遇葛孽徐廣曰在馬丘年表曰十八

志云澮水縣在絳州翼城縣東南十九年與齊宋會平

陸正義曰兖州縣也平與燕會阿正義曰括地志云故

西阿城在瀛州高陽縣西北五十里以徐充二水並過

其西又阻經其北曲曰阿以齊有東阿故曰西阿或地

理志云瀛州屬河間趙二十年魏獻榮椽因以為檀臺

分也按燕趙即此也徐廣曰美國縣有檀臺○索隱曰劉氏云榮椽蓋地名

其中有高臺可以為臺非也按榮椽是良材可為椽登

飾有光榮所以魏獻之故趙因用之以為檀臺○正義

平義曰葛孽二城名

國史圖

漳水上秦攻我蘭二十五年成侯卒公子緜音與太子

肅侯爭立索隱曰系本肅侯名語緜敗亡奔韓肅侯元年奪晉君

端氏徙颺屯留正義曰括地志云屯留故城在潞州長

二年與魏惠王過於陰晉正義曰地理志云華陰縣魏

高帝更名華陰今屬華州三年公子范襲邯鄲不勝而死四年朝天子

六年攻齊拔高唐七年公子刻攻魏首垣正義曰蓋

十一年秦孝公使商君伐魏虜其將公子卬趙代魏十

二年秦孝公卒商君死十五年起壽陵正義曰徐廣魏

惠王卒十六年肅侯游大陵徐廣曰太原有大陵縣亦

大陵城在并州文水縣北十三里漢大陵縣城出於鹿門正義曰并川孟縣西

山南海蓋鹿門在北山水之側也大戊牛扣馬口忱曰扣牽馬曰耕事方急一

趙世家

日不作百日不食肅侯下車謝十七年圍魏黃不克地理

志曰山陽有黃縣魏州前拔之却為魏今趙圍之矣築長城正義曰制

從雲中以北至代按趙長城從蔚州北西至嶺北盡趙界又疑此長城在潭水之北趙南界十八年

齊魏伐我我決河水灌之兵去二十二年張儀相秦趙

疵與秦戰敗秦殺疵河西取我蘭離石二十三年韓舉

韓將與齊魏戰死于桑丘地理志云泰山有桑丘縣

城在易州遂城縣界或云在泰山非也此時齊伐燕桑丘三晉皆來救之不得在泰山有桑丘縣此說甚誤也

二十四年肅侯卒秦楚燕齊魏出銳師各萬人來會葬

子武靈王立索隱曰名雍武靈王元年徐廣曰年表云魏敗我趙護陽文

君趙豹相梁襄王與太子嗣韓宣王與太子倉來朝信

宮正義曰在洛州臨洛縣也武靈王少未能聽政博聞師三人左右

司過三人及聽政先問先王貴臣肥義加其秩國三老  
年八十月致其禮三年城鄆四年與韓會于區鼠正義曰蓋  
在河五年娶韓女為夫人八年韓擊秦不勝而去五國  
相王趙獨否曰無其實敢處其名乎令國人謂已曰君  
九年與韓魏共擊秦秦敗我斬首八萬級齊敗我觀澤  
正義曰括地志云觀澤故城在魏州頓丘縣東十八里也十年秦取我西都及中陽  
徐廣曰年表云秦取中都西陽安邑十一年秦齊破燕  
敗我將軍英大原有中都縣西河有中陽縣  
燕相子之為君君反為臣十一年王召公子職於韓立  
以為燕王徐廣曰紀亦云爾使樂池送之燕世家子之死後燕  
燕昭王無趙送公子職為燕王之事當是趙聞燕亂送  
立職為燕王雖使樂池送之竟不能就○索隱曰燕系  
家無其事蓋是疎也今此云使樂池送之必是憑舊  
史為說且紀年之書其說又同則斐期之解得其旨十

趙世家

孟長之姚舜姓

三年秦拔我蘭虜將軍趙莊正義曰本一作楚魏王來  
過邯鄲十四年趙何攻魏十六年秦惠王卒王遊大陵  
他日王夢見處女鼓琴而歌詩曰美人熒熒兮顏若苕  
之榮蔡母遠曰陵苕之草其華紫○正義曰苕音條毛  
詩疏云苕饒也幽州謂之翹饒蔓似莖豆而細葉  
似蒺藜而青其華細綠色可生食味如小豆藿也又本  
草經云陵苕生下濕水中七八月生華紫草可以染帛  
蓑休頭髮命乎命乎曾無我羸蔡母遠曰言有命祿生  
即黑也其美好曾無我好羸也重言名呼者以談說衆也異日  
王飲酒樂數言所夢想見其狀吳廣聞之因夫人而內  
其女娃羸方言曰娃美也孟姚也徐廣曰古史考云內  
孟姚吳廣女舜之後故上文云余思虞舜之勳故命其  
胄女孟姚以配而七代之孫是也然後封虞在河東大  
沂故舜後亦姓吳非獨太伯虞仲之裔孟姚甚有寵

史記卷四十三

侯李  
曰本名為

於王是為惠后十七年王出九門

徐廣曰在常山○正義曰本戰國時趙邑

戰國策云本有宮室而居趙武靈王改為九門

徐廣曰野臺義曰括地志云野臺一名義臺在定州樂縣西

南西南六十三里也

以望齊中山之境十八年秦武

王與孟詵舉龍文赤鼎絕臄而死

徐廣曰一作絕趙王

使代相趙固迎公子稷於燕送歸立為秦王是為昭王

十九年春正月大朝信宮召肥義與議天下五日而畢

王北略中山之地至於房子

正義曰趙州縣也 遂之代北至無

窮西至河登黃華之上

正義曰黃華蓋西河側之山名也 召樓緩謀曰

我先王因世之變以長南藩之地屬阻障滄之險立長

城又取蘭郭狼敗林人

正義曰即於荏而功未遂今中山

山在我腹心北有燕

正義曰地理志云趙分晉北有信都中山又得郡之高陽鄆州鄉東

趙世家

有清河之間又得渤海郡東平舒等七縣在河以北故言北有燕

東有胡

正義曰趙東

北營州之境即東胡烏丸之地服

西有林胡樓煩秦韓

之邊

正義曰林胡樓煩即嵐勝之北也嵐勝以南石州離石蘭等七國時趙邑邊也秦隔河也晉洛潞澤

等州皆七國時韓地為並趙西境也 而無彊兵之救是亡社稷奈何夫有

高世之名必有遺俗之累吾欲胡服樓緩曰善羣臣皆

不欲於是肥義侍王曰簡襄王之烈計胡翟之利為人

臣者寵有孝悌長幼順明之節通有補民益主之業

正義曰寵貴寵也通達理也凡為人臣有孝弟長幼順明之節制者得貴寵也有補民益主之功業者為達理也

此兩者臣之分也今吾欲繼襄王之跡開於胡翟之鄉

而卒世不見也

正義曰卒了律反盡也言盡世 為敵弱

正義曰我為胡服

用力少而功多可以毋盡百姓之勞

敵入必困弱也

吾哉曰驅青區駭盡也駭世謂益世間以笑我

而序往古之勲正義曰厚重也往古謂趙簡子襄子夫有高世之功者其  
 遺俗之累正義曰真留也言古周公孔子留衣冠禮義之俗今變為胡服是真留風俗之譴累也  
 有獨智之慮者任驚民之怨正義曰言世有獨計智之思慮者必任隱微救慢之  
 望也民怨也今吾將胡服騎射以教百姓而世必議寡人奈何  
 肥義曰臣聞疑事無功疑行無名王既定負遺俗之慮  
 殆無顧天下之議矣夫論至德者不和於俗成大功者  
 不謀於衆昔者舜舞有苗禹袒裸國非以養欲而樂志  
 也務以論德而約功也愚者闇成事智者覩未形則王  
 何疑焉王曰吾不疑胡服也吾恐天下笑我也狂夫之  
 樂智者哀焉愚者所笑賢者察焉世有順我者胡服之  
 功未可知也雖驅世以笑我胡地中山吾必有之於是

趙世家

然

遂胡服矣使王綰告公子成曰寡人胡服將以朝也亦  
 欲叔服之家聽於親而國聽於君古今之公行也子不  
 反親臣不逆君兄弟之通義也徐廣曰兄弟一作元夷元始也夷平也今  
 寡人作教易服而叔不服吾恐天下義之也制國有常  
 利民為本從政有經令行為上明德先論於賤而行政  
 先信於貴今胡服之意非以養欲而樂志也事有所止  
 而功有所出正義曰鄭玄云止至也為人君止於仁為人臣止於敬為人子止於孝為人父止於慈與國人交止於信按出猶成也事成功立然後善也今寡人恐叔之  
 逆從政之經以輔叔之議且寡人聞之事利國者行無  
 邪因貴戚者名不累故願慕公叔之義以成胡服之功  
 使綰謁之叔索隱曰絕句請服焉公子成再拜稽首曰臣固



聞王之胡服也臣不佞寢疾未能趨走以滋進也王命之臣敢對因竭其愚忠曰臣聞中國者蓋聰明徇智之所居也徐廣曰五帝本紀云初而徇齊萬物財用之所聚也賢聖之所教也仁義之所施也詩書禮樂之所用也異敏技能之所試也遠方之所觀赴也蠻夷之所義行也今王舍此而變遠方之服變古之教易古之道逆人之心而佛學者離中國故臣願王圖之也使者以報王曰吾固聞叔之疾也我將自往請之王遂往之公子成家因自請之曰夫服者所以便用也禮者所以便事也聖人觀鄉而順宜因事而制禮所以利其民而厚其國也夫翦髮文身錯臂左衽索隱曰錯臂亦文身謂以丹青錯畫其臂左衽謂右袒其臂也既

趙世家

越之民也索隱曰劉氏云今珠崖儋耳謂之甌人是甌越正義曰按屬南越故言甌越也輿地志云交趾周時為駱越秦時曰西甌文身斷髮避龍則西甌駱又在番吾之西南越及歐駱皆芋姓也世本云越芋姓也與楚同祖是也黑齒雕題劉逵曰以草染齒用白作黑鄭玄曰雕文謂刻其肌以青丹涅却冠秫紬徐廣曰戰國策作秫紬亦紬之別名也秫者蒸紬也古字多假借故作秫紬耳此蓋言其女功織纈之能拙也又一本作鮭冠紬纈也 大吳之國也故禮服莫同其便一也鄉異而用變事異而禮易是以聖人果可以利其國不一其用果可以便其事不同其禮儒者一師而俗異中國同禮而教離況於山谷之便乎故去就之變智者不能一遠近之服賢聖不能同窮鄉多異曲學多辨不知而不疑異於已而不非者公焉而眾求盡善也今叔之所言者俗也吾所言之所以制俗也吾國東

有河薄洛之水

徐廣曰安平縣西有漳水津名薄與洛津○正義曰按安平縣屬定州也

齊中山同之

正義曰爾時齊與中山相親中山趙共薄洛水故言與齊中山同之須有舟楫之備

無舟楫之用自常山以至代上黨

徐廣曰一云自常山以下代上黨以東

東有燕東胡之境而西有樓煩秦韓之邊今無騎射之

備故寡人無舟楫之用夾水居之民將何以守河薄洛

之水變服騎射以備燕三胡秦韓之邊

索隱曰林胡樓煩東胡是二胡

也且昔者簡主不塞晉陽以及上黨而襄主并戎取代

以攘諸胡此愚智所明也先時中山負齊之彊兵侵暴

吾地係累

正義曰上音計下力追反

吾民引水圍鄒微社稷之神靈

則鄙幾於不守也先王醜之而怨未能報也今騎射之

備近可以便上黨之形而遠可以報中山之怨而叔順

趙世家

中國之俗以逆簡襄之意惡變服之名以忘鄙事之醜

非寡人之所望也公子成再拜稽首曰臣愚不達於王

之義敢道世俗之間臣之臯也今王將繼簡襄之意以

順先王之志臣敢不聽命乎再拜稽首乃賜胡服明日

服而朝於是始出胡服令也趙文趙造周紹

徐廣曰單國策作紹

初音趙俊皆諫止王母胡服如故法便王曰先王不同

俗何古之法帝王不相襲何禮之循處戲神農教而不

誅黃帝堯舜誅而不怒及至二王隨時制法因事制禮

法度制令各順其宜衣服器械各便其用故禮也不必

一道而便國不必古聖人之興也不相襲而王夏殷之

衰也不易禮而滅然則反古未可非而循禮未足多也

口器孟統之屬之外盛曰械力錡屬之

且服奇者志淫則是鄒魯無奇行也索隱曰按鄒魯好

非其志皆淫僻也而有孔門俗辟者民易則是吳越無

秀士也索隱曰言方俗僻處山谷而人皆改易不通大

戎屬且聖人利身謂之服便事謂之禮夫進退之節衣

服之制者所以齊常民也非所以論賢者也故齊民與

俗流賢者與變俱故諺曰以書御者不盡馬之情以古

制今者不達事之變循法之功不足以高世法古之學

不足以制今子不及也遂胡服招騎射二十年王略中

山地至寧葭索隱曰一作葭葭西略胡地至榆中正義

州北河林胡王獻馬歸使樓緩之秦仇液之韓王賁之

楚富丁之魏趙爵之齊代相趙固主胡致其兵二十一

趙世家

年攻中山趙招為右軍許鈞為左軍公子章為中軍王

并將之牛翦將車騎趙希并將胡代趙與之陘徐廣曰

又作陘或宜言趙與之陘陘者山絕之名常山有并陘

中山有苦陘上黨有閼與○正義曰與音與陘音荆陘

陘山也在并州陘縣東南十八里然趙希并將代趙之

兵與諸軍向并陘之側共出定州上曲陽縣合軍攻取

丹丘華陽鳩合軍曲陽徐廣曰上曲陽在常山下曲陽

上之關也攻取丹丘正義曰括地志云上

曲陽故城在定州曲陽縣西五里按合攻取丹丘正義

軍曲陽即上曲陽也以在常山郡也攻取丹丘正義

邢州冊華陽正義曰括地志云北岳有五別名一曰蘭

丘縣也華陽正義曰括地志云北岳有五別名一曰蘭

五曰太一宮按北岳恒山在鳩之塞正義曰上昌之反

定州恒陽縣北百四十里鳩之塞正義曰上昌之反

鳩一作鴻上故關今名汝城在定州唐縣東北六十里

本晉鴻上關城也又有鴻上水源出唐縣北葛洪山接

北岳恒山與鴻上塞皆在王軍取鄆石邑徐廣曰在常

定州然一本作鳴字誤也王軍取鄆石邑徐廣曰在常

括地志云石邑故城在恒州鹿封龍正義曰括地志云

泉縣南三十五里六國時舊邑封龍正義曰括地志云

山在恒州鹿泉縣南四十五里邑因山為名

東垣中山獻四邑和王許之罷

兵二十三年攻中山二十五年惠后卒索隱曰謂武靈王之後前太子

章之母惠文王之嫡母也惠后卒後吳娃始當正室至

孝成二年稱惠文后卒是也而下文又云吳娃死後後

子何寵衰故太子使周招胡服傳王子何二十六年復

攻中山攘地北至燕代西至雲中九原二十七年五月

戊申大朝於東宮傳國立王子何以為王王廟見禮畢

出臨朝大夫悉為臣肥義為相國并傳王是為惠文王

惠文王惠后吳娃子也武靈王自號為主父主父欲令

子主治國而身胡服將士大夫西北略胡地而欲從雲

中九原直南襲秦於是詐自為使者入秦秦昭王不知

已而怪其狀甚偉非人臣之度使人逐之而主父馳已

趙世家

脫關矣審問之乃主父也秦人大驚主父所以入秦者

欲自略地形因觀秦王之為人也惠文王徐廣曰元年以公子勝為

相封二年主父行新地遂出代西遇樓煩王於西河而

致其兵三年滅中山遷其王於膚施徐廣曰在上郡○正義曰今延州膚

也施縣起靈壽徐廣曰在常山北地方從代道大通還歸行賞大

赦置酒酺五日封長子章為代安陽君正義曰在代地志云東安陽縣屬代郡

章素侈心不服其弟所立主父

又使田不禮相章也李兌謂肥義曰公子章彊壯而志

驕黨衆而欲大殆有私乎田不禮之為人忍殺而驕

二人相得必有謀陰賊起一出身徼幸夫小人有欲輕

慮淺謀徒見其利而不顧其害同類相推俱入禍門以

吾觀之必不久矣子任重而勢大亂之所始禍之所集也子必先患仁者愛萬物而智者備禍於未形不仁不智何以爲國子奚不稱疾毋出傳政於公子成毋爲怨府毋爲禍梯肥義曰不可昔者主父以王屬義也曰毋變而度毋異而慮堅守一心以歿而世義再拜受命而籍之今畏不禮之難而忘吾籍變孰大焉進受嚴命退而不全負孰甚焉變負之臣不容於刑諺曰死者復生生者不愧正義曰肥義報李允云必盡傳何爲王不可懼章及田不禮而生異心使死者復更變生并見在生者並見傳王無變令我不愧之若荀息也吾言已在前矣吾欲全吾言安得全吾身且夫貞臣也難至而節見忠臣也累至而行明子則有賜而忠我矣雖然吾有語在前者也終不

趙世家

敢失李允曰諾子勉之矣吾見子已今年耳涕泣而出李允數見公子成以備田不禮之事異日肥義謂信期曰索隱曰即下文高信也正義曰上音申也公子與田不禮甚可憂也其於義也聲善而實惡此爲人也不子不臣吾聞之也姦臣在朝國之殘也讒臣在中主之蠹也此人貪而欲大內得主而外爲暴矯令爲慢以擅一旦之命不難爲也禍且逮國今吾憂之夜而忘寐飢而忘食盜賊出入不可不備自今以來若有召王者必見吾面我將先以身當之無故而王乃入信期曰善哉吾得聞此也四年朝群臣安陽君亦來朝主父令主聽朝而自從旁觀窺群臣宗室之禮見其長子章儼然也反北面爲臣誠於其

吾義保位垂白之失意也孔子世家保位者喪家之狗

弟心憐之於是乃欲分趙而王章於代計未決而轅主  
 父及王游沙丘異宮正義曰在邢州平鄉縣東北二十里矣公子章即以  
 其徒與田不禮作亂詐以主父令召王肥義先入殺之  
 高信即與王戰公子成與李兌自國至乃起四邑之兵  
 入距難殺公子章及田不禮滅其黨賊而定王室公子  
 成爲相號安平君李兌爲司寇公子章之敗往走主父  
 主父開之索隱曰開謂開門而納之俗本亦作闢字者非也燕周及孔皆作閉之閉謂藏也○正義曰謂不責其反叛之罪容其入宮閉藏也成兌因圍主父宮公子章死公  
 子成李兌謀曰以章故圍主父即解兵吾屬夷矣乃遂  
 圍主父令宮中人後出者夷宮中人悉出主父欲出不  
 得又不得食探爵穀而食之蔡母邃曰穀爵子也○索隱曰生受補考謂之穀

趙世家

三月餘而餓死沙丘宮

應劭曰武靈王葬代郡靈丘縣

墓在許州靈丘縣東三十里應說是也

主父定死乃發喪赴諸侯是時王

少成兌專政畏誅故圍主父主父初以長子章爲太子  
 後得吳娃愛之爲不出者數歲生子何乃廢太子章而  
 立何爲王吳娃死愛弛憐故太子欲兩王之猶豫未決  
 故亂起以至父子俱死爲天下笑豈不痛乎徐廣曰或無此十四

主父死惠文王立立五年與燕鄭易

徐廣曰皆在八

年城南行唐

徐廣曰在常山○正義曰行唐縣屬冀州爲南行唐築城九

年趙梁將與齊合軍攻韓至魯關下

正義曰劉伯其云蓋在南河魯陽關

按汝州魯山縣古穀陽縣及十年秦自置爲西帝十一年董叔與魏

氏伐宋得河陽於魏秦取梗陽杜預曰太原晉陽縣南梗陽城也○索隱曰地

常本全等

趙世家

理志云大原榆次有梗陽鄉與杜預所據小別也。正義曰括地志云梗陽故城在并州清源縣南百二十步分晉陽縣置本漢榆次縣地春秋晉大夫祁祁邑也。十二年趙梁將攻齊十三年韓徐為將攻齊公主死索隱曰蓋吳姓十四年相國樂毅將趙秦韓魏燕攻齊取靈丘索隱曰年表及韓魏等然此下文十五年重擊齊是此文為得蓋此年同伐齊耳。正義曰蕭丘縣也與秦會中陽正義曰括地志云中陽故縣在汾州偃城縣南十里漢中陽縣也十五年燕昭王來見趙與韓魏秦共擊齊齊王敗走燕獨深入取臨菑十六年秦復與趙數擊齊齊人患之蘇厲為齊遺趙王書曰臣聞古之賢君其德行非布於海內也教順非洽於民人也祭祀時享非數常於鬼神也甘露降時雨至年穀豐熟民不疾疫眾人善之然而賢主圖之今足下之賢行

功力非數加於秦也怨毒積怒非素深於齊也秦趙與國以彊徵兵於韓秦誠愛趙乎其實憎齊乎物之甚者賢主察之秦非愛趙而憎齊也欲亡韓而吞二周故以齊餒天下恐事之不合故出兵以劫魏趙恐天下畏已也故出質以為信恐天下亟反也故徵兵於韓以威之聲以德與國實而伐空韓索隱曰與國趙也秦趙今為與國秦徵兵於韓共趙伐齊以威聲和趙是臣以秦計為必出於此夫物固有勢異而患同者楚久伐而中山亡今齊久伐而韓必亡破齊王與六國分其利也亡韓秦獨擅之收二周西取祭器秦獨私之賦田計功王之獲利孰與秦多說士之計曰韓亡三川正義曰河南之魏亡晉國正義曰河北之地安邑河內之

朝未變而禍已及矣燕盡齊之北地去沙丘鉅鹿歛三

百里正義曰沙丘邢州也鉅鹿冀州也齊北界貝州也

去滅三百里也趙韓之上黨去邯鄲百里燕秦謀王之河

山間三百里而通矣秦之上郡正義曰郡近挺關至於

榆中者千五百里秦以三郡攻王之上黨正義曰秦上

黨郡此言之者太史公却羊腸之西正義曰太行山坂

引前書也他皆倣此也羊腸之西正義曰太行山坂

州禹澤勾注之南正義曰勾注山非王有巴踰勾注斬常

山而守之三百里而通於燕代馬胡犬不東下正義曰

勾注山斬常山而守之西北代馬胡犬不東入趙沙州

崑山之玉亦不出至趙矣郭璞云胡地野犬似狐而小

趙世家

崑山之玉不出此三寶者亦非王有已王以伐齊從彊

秦攻韓其禍必至於此願王孰慮之且齊之所以伐者

以事王也正義曰以趙王為事天下屬行以謀王也正義

有日矣五國三分王之地正義曰謂秦齊韓魏齊倍五

國之約而殉王之患正義曰齊王之患也西兵以禁彊秦

秦廢帝請服正義曰言秦齊相約欲反高平根柔於魏

徐廣曰紀年魏哀王四年改陽曰河雅向日高平根柔

一作格柔一作平柔正義曰返還也括地志云高平

故城在懷州河陽縣西四十里紀年云魏哀反豎分

曰一作王公先俞於趙徐廣曰爾雅曰西俞焉門是也

山字耳格地志云勾注山一名西陞山在代州鴈門縣

師說歛不足



正義曰使音知功受

聲相近蓋陞山西逾二山之地齊之事王宜為上佼索隱  
並在代州馬門縣皆趙地也齊之不敢自必也願王孰計之也今王毋與天下攻齊天  
下必以王為義齊抱社稷而厚事王天下必盡重王義  
王以天下善秦秦暴王以天下禁之是一世之名寵制  
於王也於是趙乃輟謝秦不擊齊王與燕王遇廉頗將  
攻齊昔陽正義曰括地志云昔陽故城一名陽城在并  
州樂平縣東昔陽城服姓白取之杜預曰樂平治  
狄別種也樂平縣城漢治縣城也  
十七年樂毅將趙師攻魏伯陽正義曰括地志云伯陽  
州鄴縣西五十五里七而秦怨趙不與已擊齊伐趙拔  
我兩城十八年秦拔我石城正義曰地理志云石北平  
有石城縣括地志云石城

趙世家

在拒州林憲縣西南九十里疑相州石城是王再之衛東陽決河水正義曰  
云東陽故城故城在具州歷亭縣界按東陽先屬衛今  
屬趙河歷具州南東北流過河南岸即魏地也故言王  
再之衛東陽伐魏氏也 秦敗我二城趙與魏伯陽趙奢將攻齊麥丘取之二十  
年廉頗將攻齊王與秦昭王遇西河外徐廣曰年表云  
與秦會通池  
二十一年趙徙漳水武平西正義曰括地志云武平亭  
今名渭城在瀛州文安縣  
北七十二里按二十七年又徙漳水武平南二十二年大疫置公子丹為太  
子二十三年樓昌將攻魏幾正義曰音祈傳云伐齊幾  
或屬魏當在相淄之間也不能取十二月廉頗將攻  
幾取之二十四年廉頗將攻魏房子徐廣曰屬  
屬常山拔之因城  
而還又攻安陽取之二十五年燕周將攻昌徐廣曰屬  
齊郡○索

隱曰燕周趙人為趙將○正義曰括地志云故昌城在潞州潞川縣東北四十里

與魏共擊秦秦將白起破我華陽正義曰括地志云華陽城在鄭州管城

密縣是時魏韓趙聚兵於華陽西攻秦得一將軍二

十六年取東胡正義曰今營州也歐代地索隱曰蓋東胡叛趙

之也取二十七年徙漳水武平南封趙豹為平陽君戰國策曰

趙豹平陽君東文王母弟河水出大涼二十八年簡相如伐齊至平

邑正義曰括地志云平邑故城在魏州昌樂縣東北四十里也罷城北九門大城正義

曰恒州九門縣城燕將成安君公孫操弑其王徐廣曰年表云是燕武成王元

年○索隱曰樂資云其王即惠王二十九年秦韓相攻而圍閼與正義曰上

於連反下音預括地志云閼與聚洛今名烏蘇城在潞州銅鞮縣西北二十里又儀州順和縣城亦云韓閼與

邑二所未詳又有閼與山在洛州武安縣西五十里蓋是也趙使趙奢將擊秦大破

趙世家

秦軍閼與下賜號為馬服君正義曰因馬服山為號也

號曰馬服者言能服馬也括地志云馬服山邯鄲縣西北十里也三十二年惠文王卒

太子丹立是為孝成王孝成王元年徐廣曰平原君相也秦伐我

按三城趙王新立太后用事秦急攻之趙氏求救於齊

齊曰必以長安君正義曰長安君者以長安善故名也為質兵乃出索隱曰孔

衍云長安君惠文君之少子也趙亦有長安今其地關太后不肯大臣彊諫太后

明謂左右曰復言長安君為質者老婦必唾其面左師

觸龍言願見太后太后盛氣而胥之入胥猶須也穀梁

徐趨而坐自謝曰老臣病足曾不能疾走不得見父矣

竊自恕而恐太后體之有所苦也故願望見太后太后

曰老婦恃輦而行索隱曰東齊云趙惠文王子何者果

正義曰起音應列在左言自忖度也

合

閼與連切

武靈王十六年夢吳楚而納之至二十七年王薨及惠文王三十二年卒孝成王元年遣長安君質於齊若年二十八王宮至此在六十左側亦可稱老矣而東廣微言太后纔三十有奇者誤也曰食得毋衰乎曰恃粥耳曰老臣間者殊不欲食乃彊步日三四里少益嗜食和於身也太后曰老婦不能太后不和之色少解左師公曰老臣賤息舒祺最少不肖而臣衰竊憐愛之願得補黑衣之缺以衛王宮昧死以聞太后曰敬諾年幾何矣對曰十五歲矣雖少願及未填溝壑而託之太后曰丈夫亦愛憐少子乎對曰甚於婦人太后笑曰婦人異甚對曰老臣竊以為媼之愛燕后賢於長安君太后曰君過矣不若長安君之甚左師公曰父母愛子則為之計深遠媼之送燕后也持其踵為之泣念

趙世家

其遠也亦哀之矣已行非不思也祭祀則祝之曰必勿使反豈非計長久為子孫相繼為王也哉太后曰然左師公曰今三世以前至於趙主之子孫為侯者其繼有在者乎曰無有曰微獨趙諸侯有在者乎曰老婦不聞也曰此其近者禍及其身遠者及其子孫豈人主之子侯則不善哉位尊而無功奉厚而無勞而挾重器多也今媼尊長安君之位而封之以膏腴之地多與之重器而不及今令有功於國一旦山陵崩長安君何以自託於趙老臣以媼為長安君之計短也故以為愛之不若燕后太后曰諾恣君之所使之於是為長安君約車百乘質於齊齊兵乃出子義聞之索隱曰子義趙之賢人曰人主之

趙之為

子骨肉之親也猶不能持無功之尊無勞之奉而守金

王之重也而況於予乎齊安平君正義曰括地志云安平城在青州臨海縣

東十九里古田單將趙師而攻燕中陽徐廣曰一作人紀之鄴邑也

中陽括地志云中山故城一名中人亭在拔之又攻韓

注人正義曰邑名也括地志云注城在拔之二年惠文

后卒田單為相四年王夢衣偏袷之衣正義曰杜預云

在中左右異故曰乘飛龍上天不至而墜見金玉之積

如山明日王召筮史敢占之曰夢衣偏袷之衣者殘也

乘飛龍上天不至而墜者有氣而無實也見金玉之積

如山者憂也後三日韓氏上黨守馮亭使者至曰韓不

能守上黨入之於秦其吏民皆安為趙不欲為秦有城

趙世家

市邑十七願再拜入之趙財王所以賜吏民王大喜召

平陽君豹告之曰馮亭入城市邑十七受之何如對曰

聖人甚禍無故之利王曰人懷吾德何謂無故乎對曰

夫秦蠶食韓氏地中絕不令相通固自以為坐而受上

黨之地也韓氏所以不入於秦者欲嫁其禍於趙也秦

服其勞而趙受其利雖彊大不能得之於小弱小弱顧

能得之於彊大乎豈可謂非無故之利哉且夫秦以牛

田之徐廣曰一無此字○正義曰秦蚕食韓氏國中斷

秦伐韓上黨勝有日矣水通糧正義曰秦從涓水澶糧

也蠶食上乘倍戰者正義曰乘承證反蚕食桑葉漸進

為屋屋三為井井十為通通十為成成出車車一乘七

食

因

聽

地軍士憤習 裂上國之地正義曰上國秦地也言韓上倍於餘國 其政行不可與為難必勿受也王曰今發百萬之軍而攻踰年歷歲未得一城也今以城市邑十七幣吾國正義曰馮亭將十七邑入趙此若幣帛之見遺此大利也 大利也趙豹出王召平陵君與趙禹而告之對曰發百萬之軍而攻踰歲未得一城今坐受城市邑十七此大利不可失也王曰善乃令趙勝受地告馮亭曰敝國使者臣勝敝國君使勝致命以萬戶都三封太守正義曰爾時未合言太守至漢景帝始加太守此言太衍字也 千戶都三封縣令皆世世為侯吏民皆益爵三級吏民能相安皆賜之六金馮亭垂涕不見使者曰吾不處三不義也為主守地不能死固不

趙世家

義一矣入之秦不聽主令不義二矣賣主地而食之不義三矣趙遂發兵取上黨漢書馮奉世傳曰趙封馮亭為華陵君與趙將括距秦戰死於長平宗族由是分散或在趙在趙者為官師將官師將子為代相及秦滅六國而馮亭之後馮無擇馮去疾馮劫皆為秦將相馮漢與馮唐即代相之廉頗將軍子也上黨記云馮亭冢在壺關城西五里也 廉頗將軍軍長平正義曰括地志云長平故城在澤州高平縣西二十一里即白起敗括於長平處 七年廉頗免而趙括代將秦人圍趙括趙括以軍降卒四十餘萬皆阬之王悔不聽趙豹之計故有長平之禍焉王還不聽秦秦圍邯鄲徐廣曰武垣在九年 武垣徐廣曰武垣縣本屬涿郡 傳豹王容蘇射率燕眾反燕地正義曰武垣此是屬趙與燕地也 趙以靈丘正義曰括地志云靈丘蔚州理 封楚相春申君八年平原君如楚請救還楚來救及

魏公子無忌亦來救

正義曰魏公子傳云趙王以鄒為公子湯休邑年表云九年公子無

思救邯鄲圍在九年其文錯誤耳

秦圍邯鄲乃解十年燕攻昌壯

徐廣曰一

作社正義曰壯字誤當作城括地志云昌城故城在冀州信都縣西北五里此時屬趙故攻之也

五月

拔之趙將樂乘慶舍攻秦信梁軍破之

徐廣曰年表云新中軍也○索

隱曰信梁秦將也○正義曰信梁蓋王世號也秦本紀云昭襄王五十年王世從唐按寧新中寧新中更名安

陽今相州理縣也年表云韓魏楚救趙新中軍秦兵罷是也

太子死

徐廣曰是年同燕王卒或者太

子云天子乎○索隱曰趙見秦拔西周故令徒父祺將兵出境也

而秦攻西周拔之徒父祺出

曰趙大夫名祺○正義曰趙見秦拔西周故令徒父祺將兵出境也

十一年城元氏

山有元氏縣○正義曰元氏趙州縣也

縣上原武陽君鄭安平死

徐廣曰故秦將

也降趙收其地十二年邯鄲屠燒

徐廣曰庫廐之名音膾也○索隱曰膾積芻藁

之廩為火所燒也

十四年平原君趙勝死

索隱曰年表

十五年

趙世家

以尉文封相國廉頗為信平君

索隱曰尉文蓋地名或曰尉官文名謂以尉文

所食之地以封廉頗也古文質畧文省耳○正義曰燕尉文蓋蔚州地也信平廉頗號也言篤信而平和也

王令丞相栗腹約驪以五百金為趙王酒還歸報燕王

曰趙氏壯者皆死長平其孤未壯可伐也王召昌國君

樂間而問之對曰趙四戰之國也其民習兵伐之不可

王曰吾以衆伐寡二而伐一可乎對曰不可王曰吾即

以五而伐一可乎對曰不可燕王大怒群臣皆以為可

燕卒起二軍車二千乘栗腹將而攻鄒卿秦將而攻代

索隱曰二人皆燕將姓名也廉頗為趙將破殺栗腹虜卿秦樂間

曰三人皆燕將姓名也十六年廉頗圍燕以樂乘為武襄君

正義曰襄舉也十七年假相大將武襄君攻燕圍其國十

以

特

八年延陵鈞徐廣曰代郡有延陵縣率師從相國信平君助魏攻

燕秦拔我榆次徐廣曰在太原三十七城十九年趙與燕易土

以龍兌正義曰括地志云北新城故城在易州遂南城縣西南二十里

按遂城縣西南二十五里有龍山邢子勳趙記云龍山

有出南冬風出北不相徐廣曰在北新城○正義曰

石門中俗謂之龍門水經其間奔激南出解石城并蓋

汾字誤也遂城及永臨樂徐廣曰方城有臨鄉○正義

州同安六與燕燕以葛武陽徐廣曰括地志云葛城在高陽○正

名西河城在瀛州高平舒徐廣曰在代郡○正義曰括

立縣西北五十里與趙二十年秦王政初立秦拔我晉陽二十

一年孝成王卒廉頗將攻繁陽徐廣曰在頓丘○正義

趙世家

在相州內黃縣東北二十七里應劭云繁水之北故曰繁陽也取之使樂乘代之廉頗

攻樂乘樂乘走廉頗亡入魏子偃立是為悼襄王悼襄

王元年大備徐廣曰一作脩○正義曰魏欲通平邑中牟之

道不成正義曰平邑在魏州昌樂縣東北三十里相州

二邑皆屬魏欲渡黃河徐廣曰武遂屬安平○正義曰括地志云易州遂城戰

作道相通遂不成也徐廣曰武遂屬安平○正義曰括地志云易州遂城戰

秦召春平君因而留之泄鈞正義曰人

之謂文信侯曰春平君者趙王甚愛之而郎中妬之故

相與謀曰春平君入秦秦必留之故相與謀而內之秦

也今君留之是絕趙而郎中之計中也君不如遣春平

君而留平都正義曰輿地理志云平都縣在新興郡與陽周縣相近矣春平君者

言行信於王。王必厚割趙而贖平都。文信侯曰善。因遣之。徐廣曰年表云太子從質秦歸也。○正義曰按太子即春平君也。城韓臯三年龐煖將攻燕。禽其將劇辛。四年龐煖將趙楚魏燕之銳師攻秦。徐廣曰在新豐。○正義曰按秦屬平原。○正義曰饒安滄州縣也。七國時屬齊。戰國時屬趙。五年傳抵。正義曰上音傳下。音邱。趙將姓名。將居平邑。慶舍將東陽。正義曰屬具州。在河北岸也。河外師守河梁。正義曰河外阿南岸。魏州地也。河梁橋。東二十里。饒陽故城。漢魏與趙鄴。九年趙攻燕。取狸陽。○正義曰按燕無狸陽。疑狸字。誤當作漁陽。故城在檀州。密雲縣南十八里。燕漁陽郡城也。按趙東界至瀛州。則檀州在北。趙攻燕取漁陽城也。兵未罷。秦攻鄴。拔之。徐廣曰今饒陽在河間。又年表曰拔關與鄴九城。悼襄王卒。子幽繆王遷立。幽繆王遷元年。徐廣曰

趙世家

先堂說地以草木為毛。今案地之此後止。生毛果如言地生毛。一尺餘。

曰又云。晉王世本云。孝成王丹生悼襄王。偃偃生今王。遷年表及史考。趙遷皆無證。○索隱曰徐廣云王遷無證。今唯此獨稱幽繆王者。蓋秦滅趙之後。人臣竊追謚之。太史公或別有所見而記也。城柏人。二年秦攻武城。徐廣曰年表云秦敗武平陽。扈輒率師救之。軍敗死焉。三年秦攻赤麗宜安。正義曰括地理志云宜安故城在恒州。藁城縣西南二十里也。李牧率師與戰肥下。正義曰括地理志云肥下故城在恒州。藁城縣西七里。春秋時肥子國。白狄別種也。却之。封牧為武安君。四年秦攻番吾。正義曰上音波。又音盛。又音大動。自樂徐以西。徐廣曰一作除。北至平陰。○正義曰樂徐在晉州。平陰在汾也。臺屋墻垣大半壞。地坼東西百三十步。正義曰其坼溝界也。見在亦在晉汾六年大飢。民謠言曰趙為號。秦為笑。以為不信。視地之生毛。七年秦人攻趙。趙大將李牧將軍司馬尚將



擊之李牧誅司馬尚免趙忽及齊將顏聚代之趙忽軍

破顏聚亡去以王遷降正義曰淮南子云趙王遷流於

閩之者莫不頂涕枯地志云趙王八年十月邯鄲為秦

遷墓在房州房陵縣西九里也作爲山木之讎聞之者莫不流涕

太史公曰吾聞馮王孫曰趙王遷其母偁也徐廣曰列

傳曰邯信讒故誅其良將李牧用郭開豈不謬哉秦既虜遷趙

之亡大夫共立嘉為王王代六歲秦進兵破嘉遂滅趙

以為郡

索隱述贊曰

趙氏之世 與秦同祖 周穆平徐

趙世家

乃封造父 帶始事晉 夙初有土

岸賈矯誅 韓厥立武 寶符臨代

卒居伯魯 簡夢翟犬 靈歌處女

胡服雖彊 建立非所 頗效不用

王遷囚虜


趙世家第十三

史記四十三



趙世家

*(The text in this section is extremely faint and illegible, appearing as ghosting or bleed-through from the reverse side of the page.)*



110X  
557  
34